

永樂大典

一

卷五千二百五十

永樂大典卷之五千二百五十一 十三蕭

遼 天祚 九五年 併

天祚皇帝

遼史天祚皇帝諱延禧字延寧小字阿果道宗之孫父順宗大孝順聖皇帝母貞順皇后蕭氏大康元年

生六歲封梁王加守太尉兼中書令後三年遣封燕國王大安七年總北南院樞密使事加尚書令為天下兵馬大元帥壽隆七年正月甲戌道宗崩奉遺詔即皇帝位于柩前群臣上尊號曰天祚皇帝二月壬辰朔改元乾統大赦詔為耶律乙辛所誣陷者復其官爵籍沒者出之流放者還之乙未遣使告哀于宋及西夏高麗乙巳以北府宰相蕭兀納馬遼與軍節度使加守大傅三月丁卯詔有司以張孝傑家屬分賜群臣甲戌召僧法順放戒于內庭夏四月早六月庚寅朔如慶州甲子宋遣王潛等來弔祭丙申高麗夏國各遣使慰奠戊戌以南府宰相幹特利兼南院樞密使庚子遣謚懿德皇后為宣懿皇后壬寅以宋魏國王和魯幹為天下兵馬大元帥乙巳以北平郡王溥進封郡王子未北院樞密使耶律阿思加于越

永樂大典卷之五千二百五十一

辛亥葬仁聖大孝文皇帝宣懿皇后于慶陵秋七月癸亥阻卜鐵驪來貢八月甲寅賜慶陵九月壬申賜懷慶乙亥駐蹕蕭赫達冬十月壬辰賜乾陵甲辰上皇考昭懷太子謚曰大孝順聖皇帝廟號順宗皇妣曰貞順皇后十二月戊子以樞密副使張琳知樞密院事翰林學士張奉珪參知政事兼同知樞密院事癸巳宋遣黃實來賀即位丁酉高麗夏國並遣使來賀乙巳詔先朝已行事不得陳告初以楊劉為生女直節度使其俗呼為太師是歲楊劉死傳于死之子烏雅來東死其弟阿骨打襲二年春正月如鴨子河二月辛卯如秦州三月大寒冰復合夏四月辛亥詔誅乙辛黨徙其子孫于邊發乙辛得里特之墓剖棺戮屍以其家屬分賜被殺之家五月乙丑幹特利獻耶觀剗等部捷六月壬辰以雨罷獵駐蹕散水原丙午夏國王李乾順復遣使請尚公主丁未南院大王陳家奴致任壬子李乾順為宋所攻遣李道福田若水來援閏月庚申策賢良壬申降患妃為庶人秋七月獵黑嶺以霖雨捨獵人馬阻卜來侵幹特利等戰敗之冬十月乙卯蕭海里叛劫乾州武庫器甲命北面林牙郝家奴捕之蕭海里男亡入陪木水阿典部丙寅以南府宰相耶律幹特利為北院樞密使參知政事辛酉舒知南院樞密使事十一月乙未郝家奴以不獲蕭海里免官

永樂大典

卷五二五一

壬寅。以上京留守耶律慎思。為北院樞密副使。有司請以帝生日為天興節。三年春。正月辛巳朔。如混同江。女直酋蕭海里。首遣使來獻。戊申。如秦州。二月庚午。以武清縣大水。弛其陂澤之禁。夏五月戊子。以獵人多。嚴立科禁。乙巳。清暑。亦勒嶺。丙午。謁慶陵。六月辛酉。夏國王李乾順。復遣使請尚公主。秋七月。中京兩電傷稼。冬十月甲辰。如中京。己未。吐蕃遣使來貢。庚申。夏國復遣使來。援。己巳。有事于觀德殿。十一月丙申。文武百官。加上尊號。曰惠文智武聖孝天祚皇帝。大赦。以宋魏國王和魯幹。為皇大叔。梁王捷魯。進封燕國王。鄭王溥。為東京留守。進封越國王。百官各進一階。丁酉。以楊隱耶律何魯掃古。為南院大王。戊戌。以受尊號告廟。乙巳。謁太祖廟。進尊太祖之高祖。曰昭烈皇帝。廟號肅祖。她曰昭烈皇后。晉祖曰莊敬皇帝。廟號懿祖。她曰莊敬皇后。召監修國史耶律儼。纂太祖諸帝實錄。十二月戊申。如摘錄。是年。放進士馬恭回等。百三人。四年春。正月戊子。幸魚兒濼。壬寅。獵水嶺。癸卯。燕周王捷魯。二月丁丑。鼻骨德遣使來貢。夏六月甲辰。駐蹕旺圖崖。甲寅。夏國遣李造福。曰若木。來。援。癸亥。吐蕃遣使來貢。秋七月。南京蝗。庚辰。獵南山。癸未。以西北路招討使蕭得里底。北院樞密副使耶律慎思。並知北院樞密使事。辛卯。以同知南院樞密

永樂大典卷五二五十一

二

使事。蕭敵里。為西北路招討使。冬十月己酉。鳳凰見于那陰。己未。幸南京。十一月乙亥。御迎月樓。賜賚民錢。十二月辛丑。以張琳為南府宰相。五年春。正月乙亥。夏國遣李造福等來求援。且乞伐宋。庚寅。以遼興軍節度使蕭常哥。為北府宰相。丁酉。遣樞密直學士高瑞禮等。謁宋罷代夏兵。二月癸卯。微行視民疾苦。丙午。幸篤壽濼。三月壬申。以族女南仙。封成安公主。下嫁夏國王李乾順。夏四月甲申。射虎炭山。五月癸卯。清暑南嶺。壬子。宋遣曾孝廣。王。報聘。六月甲戌。夏國遣使來謝。及貢方物。己丑。幸候里吉。秋七月。謁慶陵。九月辛亥。駐蹕摘錄。乙卯。謁乾陵。冬十一月戊戌。葉商賈之家。應進士來。丙辰。高麗三韓國王。王。于。侯。遣使來告。十二月己巳。夏國復遣李造福。曰若木。來。援。癸酉。宋遣林洪。來議與夏約和。六年春。正月辛丑。遣知北院樞密使蕭得里底。知南院樞密使事。牛溫舒使宋。諷師所。使夏地。夏五月。清暑散水原。六月辛巳。夏國遣李造福等。來謝。秋七月癸巳。阻卜來貢。甲午。如黑嶺。庚子。獵鹿角山。冬十月乙亥。宋與夏通好。遣劉正符。曹務來告。庚辰。以皇太叔南京留守和魯幹。兼揚恩。東京留守越國王溥。為南府宰相。十一月乙未。以謝家奴。為南院大王。為奴。為美六部大王。丙申。行柴舟禮。戊戌。大赦。以和魯幹。為義和仁聖皇太叔。越

國王淳。進封魏國王。封皇子致虛韓。為晉王。習泥烈。為饒樂郡王。已亥。謁
 太祖廟。甲辰。祠木葉山。十二月己巳。封耶律儼。為漆水郡王。餘官進野有
 差。七年。春正月。鈞魚于鴨子河。二月。駐蹕大魚濼。夏六月。次散水原。秋
 七月。如黑嶺。冬十月。謁乾陵。獵暨巫閭山。是年。放進士李石等百人。八
 年。春正月。如春州。夏四月丙申。封高麗王俱。為三韓國公。贈其父明。為高
 麗國王。五月。清暑散水原。六月壬辰。西北路招討使蕭敵里。率諸蕃來朝。
 丙申。射柳祈雨。壬寅。夏國王李乾順。以成安公主生子。遣使來告。丁未。如
 黑嶺。秋七月戊辰。以兩罷獵。冬十二月己卯。高麗遣使來謝。九年。春。正
 月丙午朔。如鴨子河。二月。如春州。三月戊午。夏國以宋不歸地。遣使來告。
 夏四月壬午。五國部來貢。六月乙亥。清暑特禮嶺。秋七月。預霜傷稼。甲寅。
 獵于候里吉。八月丁酉。雪罷獵。冬十月癸酉。望祠木葉山。丁丑。詔免今年
 租稅。十二月甲申。高麗遣使來貢。是年。放進士劉楨等九十八人。十年。春。
 正月辛丑。預行立春禮。如鴨子河。二月庚午朔。駐蹕大魚濼。夏四月丙子。
 五國部長來貢。丙戌。預行再生禮。於已。獵于北山。六月甲戌。清暑玉丘。癸
 未。夏國遣李造福等來貢。甲午。阻卜來貢。秋七月辛丑。謁慶陵。閏月辛亥。
 謁懷陵。己未。謁祖陵。壬戌。皇太叔和魯幹薨。九月甲戌。免重九節禮。冬十

木葉大典卷五十一百五十一

月。駐蹕稿絲淀。十二月己酉。改明年元。是歲大饑。天慶元年。春正月。鈞
 魚于鴨子河。二月。如春州。三月乙亥。五國部長來貢。夏五月。清暑散水原。
 秋七月。獵。冬十月。駐蹕稿絲淀。二年。春。正月己未朔。如鴨子河。丁丑。五
 國部長來貢。二月丁酉。如春州。幸混同江。鈞魚。界外生女直酋長。在千里
 內者。以故事皆未朝。適遇頭魚宴。酒半酣。上臨軒。命諸酋次第起舞。獨阿
 骨打。辭以不能。諭之再三。終不從。他日上。密謂樞密使蕭奉先曰。前日之
 燕。阿骨打意氣雄豪。顧視不常。可託以邊事。誅之。否則必貽後患。奉先曰。
 麗人不知禮義。無大過而殺之。恐傷向化之心。假有異志。又何能為。其弟
 吳乞買。粘罕。胡舍等。嘗從獵。能呼鹿。刺虎。搏熊。上喜。輒加官爵。夏六月庚
 寅。清暑南崖。甲午。和州回鶻來貢。戊戌。成安公主來朝。甲辰。阻卜來貢。秋
 七月乙丑。獵南山。九月己未。射獲熊。燕群臣。上親御琵琶。初。阿骨打混同
 江宴歸。疑上知其異志。遂稱兵。先併附近部族。女直趙三。阿鶻產柞之。阿
 骨打虜其家屬二人。走訴咸州。詳穆司送北樞密院。樞密使蕭奉先。作常
 事以聞。上仍送咸州。詰責欲使自新。後數召阿骨打。竟稱疾不至。冬十月
 辛亥。高麗三韓國公王俱之母死。來告。即遣使致祭起復。是月。駐蹕來聖
 州。十一月乙卯。幸南京。丁卯。謁太祖廟。是年。放進士韓昉等七十七人。

三年春。正月丙寅。賜南京貧民錢。丁卯。如大魚澤。甲戌。某僧尼破戒。丙子。獵狗牙山。大寒。獵人多死。三月。籍諸道戶。徙大宰古山圍場地。居民于別土。阿骨打。一日率五百騎。突至威州。吏民大驚。翌日。赴詳穩司。與趙三等面折。度下。阿骨打。不尺送所司問狀。一夕遁去。遣人訴于上。謂詳穩司欲見殺。故不敢留。自是召不復至。夏。閏四月。李弘以左道聚衆為亂。支祥分示五京。六月。乙卯。韓明改國。遣使來貢良犬。丙辰。夏國遣使來貢。秋。七月。幸秋山。九月。駐蹕鞠練渡。十一月。甲午。以三司使廣融。知南院樞密使事。西南面。招討使蕭樂古。為南府宰相。十二月。庚戌。高麗遣使來謝。致祭。祭。事。耶律儼。亮。祭。高麗。遣使來謝。起復。四年。春。正月。如秦州。初。女直起兵。以訖石烈部人阿疎。不從。遣其部。撤改討之。阿疎弟狄故保來告。詔諭使勿討。不聽。阿疎來奔。至是。女直遣使來索。不發。夏。五月。清暑散水原。狄。七月。女直復遣使。取阿疎不發。乃遣侍御。問息保。問境上。多建城堡之故。女直以慢語答曰。若還阿疎。朝貢如故。不然。城未能已。遂發。澤。河北諸軍。益東北。路統軍司。阿骨打。乃與弟粘罕。胡舍等謀。以銀水。割移。烈。莫。室。闕。母等為帥。集女直諸部兵。擒。免。降。薦。官。及攻寧江州。東北。路統軍司。以聞。

時上在慶州射鹿。聞之。畧不介意。遣海州刺史高仙壽。統渤海軍。應援。蕭。捷。不也。遇女直。戰于寧江東。敗績。十月。壬寅。以守司空蕭嗣先。為東北。路。都統。靜江軍節度使蕭捷。不也。為副。發契丹兵。軍三千人。中京。禁兵。及土。豪。二千。人。別。選。諸。路。武。勇。二。千。餘。人。以。虞。候。崔。公。義。為。都。押。官。控。鶴。指。揮。那。頤。為。副。引。軍。屯。出。河。店。兩。軍。對。壘。女。直。軍。潛。渡。混。同。江。掩。擊。遼。衆。蕭。嗣。先。軍。潰。崔。公。義。那。頤。耶。律。佛。留。蕭。葛。十。等。死。之。其。獲。免。者。十。有。七。人。蕭。奉。先。懼。其。弟。嗣。先。獲。罪。輒。奏。求。征。濟。軍。所。至。劫。掠。若。不。拜。款。恐。聚。為。患。上。從。之。嗣。先。但。免。官。而。已。諸。軍。相。謂。曰。戰。則。有。死。而。無。功。退。則。有。生。而。無。罪。故。士。無。鬪。志。望。風。奔。潰。十一月。壬辰。都統蕭敵里等。營于幹新樂東。又為女直所襲。士卒死者甚衆。甲午。蕭敵里亦坐免官。辛丑。以西北路招討使耶律幹里朵。為行軍都統。副。蕭。檢。蕭。乙。薛。同。知。南。院。樞。密。使。事。耶。律。章。奴。副。之。十二月。成。賓。祥。三。州。及。鐵。驪。兀。菴。皆。叛。入。女。直。乙。薛。往。援。賓。州。南。軍。諸。將。實。妻。特。烈。等。往。援。威。州。並。為。女。直。所。敗。五年。春。正月。下。詔。親。征。遣。僧。家。奴。持。書。納。和。序。阿。骨。打。名。阿。骨。打。遣。寨。刺。復。書。若。歸。叛。人。阿。疎。遣。黃。龍。府。於。別。地。然。後。議。之。都。統。耶。律。幹。里。朵。等。與。女。直。兵。戰。于。達。魯。古。城。敗。績。二月。饒。州。渤。海。古。欲。等。反。自。稱。大。王。三。月。以。蕭。佛。留。等。討。之。遣。耶。律。張。

家奴等六人。齎書使女直。斥其主名。冀以達降。夏四月癸丑。蕭謝佛留等。為渤海古欲所敗。以南面副部署蕭陶蘇幹。為都統赴之。五月陶蘇幹及古欲戰。敗績。張家奴等。以阿骨打書來。復達之。佳。六月己亥朔。清著持禮。丙辰。陶蘇幹。招獲古欲等。癸亥。以楊應耶律末里。為北院大王。是月。遣蕭。辭刺使女直。以書辭。不屈。見留。秋七月辛未。宋遣使致助軍銀絹。丙子。獵于嶺東。是月。都統幹里朵等。與女直戰于白馬濼。敗績。八月甲子。罷獵。燧軍中。以幹里朵等軍敗。免官。丙寅。以圍場使阿不。為中軍都統。耶律張家奴。為都監。率番漢兵十萬。蕭奉先充御營都統。諸行營都部署耶律章奴。為副。以精兵二萬。為先鋒。餘分五部。為正軍。貴族子弟千人。為硬軍。扈從百司。為護衛軍。北出駱駝口。以都統蕭胡覩。姑為都統。樞密直學士崇。誼為副。將漢步騎三萬。南出寧江州。自長春州分道而進。發數月糧。期必滅女直。九月丁卯朔。女直軍陷黃龍府。己巳。知北院樞密使蕭得里底。出為西南面招討使。辭刺送。女直復遣賽刺。以書來報。若歸我。叛人阿疎等。即當班師。上親征。結罕兀木等。以書來上。陽為平哀之辭。實欲求戰。書上。上怒。下詔。有女直作過。大軍剪除之語。女直主聚眾。勞而仰天。慟哭。曰。始

宋樂大典卷五千三百五

五

與汝等起兵。蓋苦契丹殘忍。欲自立國。今主上親征。奈何。非人死戰。莫能當也。不若殺我一族。汝等迎降。轉禍為福。諸軍皆曰。事已至此。惟命是從。己巳。耶律章奴。反奔上京。謀迎立魏國王淳。上遣駙馬蕭昱。領兵詣廣平。渡。護后妃行宮小底。乙信。持書馳報魏國王。時章奴先遣王妃親弟蕭諦里。以所謀說魏國王。王曰。此非細事。主上自有諸王當立。北南面大臣不來。而汝言及此。何也。遂令左右拘之。有頃。乙信等齎御札至。備言章奴等。欲廢立事。魏國王立斬蕭諦里等首。以獻。軍騎聞道。詣廣平渡。待罪。上過之如初。章奴知魏國王不聽。率麾下掠慶饒懷祖等州。結渤海群盜。眾至數萬。趙廣平渡。犯行宮。順國女直阿鶻產。以三百騎一戰而勝。擒其貴族二百餘人。並斬首以徇。其妻子配役。輔院。或散諸近侍。為婢。餘得脫者。皆奔女直。章奴詐為使者。欲奔女直。為邏者所獲。縛送行在。腰斬于市。剖其心。以獻。祖廟。支解以徇。五路。冬十一月。遣駙馬蕭特末。林牙蕭察刺等。將騎兵五萬。步卒四十萬。親軍七十萬。至駝門。十二月乙巳。耶律張家奴。叛。戊申。親戰于護步谷岡。敗績。盡亡其輜重。己未。錦州刺史耶律木者。叛。應張家奴。庚申。北面林牙耶律馬哥。討張家奴。癸亥。以北院宣徽使蕭韓家奴。知北院樞密使事。南院宣徽使蕭特末。為漢人行宮都部署。六年春。

永樂大典

卷五二五一

正月丙寅朔。東京友有惡少十餘人。乘酒執刃。踰垣入留守府。問留守蕭保先所在。令軍吏請焉。保先出。刺殺之。戶部使大公鼎聞亂。即攝留守事。與副留守高清明。集兵漢兵千人。盡捕其衆。斬之。撫定其民。東京故渤海地。太祖力戰二十餘年。乃得之。而蕭保先嚴酷。渤海苦之。故有是變。其裨將渤海高永昌。憤鬱。稱隆基元年。遣蕭乙薛。高興順。招之不從。閏月己亥。遣蕭韓家奴。張琳討之。戊午。貴德州守將耶律余覲。以廣州渤海叛。附永昌。我師擊敗之。二月戊辰。侍御史徒捷不也等。討張家奴。戰于祖州。敗績。乙酉。遣漢人行宮都部署蕭特末。率諸將討張家奴。戊子。張家奴誘饒州渤海。及中京賊侯傑等萬餘人。攻陷高州。三月。東面行軍副統嗣幹等。擒侯傑于川州。夏四月戊辰。親征張家奴。癸酉。敗之。甲戌。誅叛黨。饒州渤海平。丙子。賞平賊將士有差。而蕭韓家奴張琳等。復為賊所敗。五月。清者散水原。女直軍攻下瀋州。復陷東京。擒高永昌。東京州縣族人。復率兵。刺兵十捷不也。道剽嗣幹等十三人。皆降女直。六月乙丑。籍諸路兵有雜畜十頭以上者。皆從軍。庚辰。親國王溥。進封秦晉國王。為都元帥。上京留守蕭捷不也。馬契。舟行官都部署。兼副元帥。丁亥。知北院樞密使事。蕭韓家奴。為上京留守。秋七月。獵秋山。春州。渤海。二千餘戶。徙東北路統軍使。使

永樂大典卷五二五十一

六

勅兵追及。直得以還。八月。烏古部叛。遣中丞耶律捷不也等。招之。九月丙午。謁懷慶。冬十月丁卯。以張琳軍敗。奪官。庚辰。烏古部來降。十一月。東面行軍副統馬哥等。攻曷蘇紆。敗績。十二月乙亥。封庶人蕭氏為太皇太妃。辛巳。副副統耶律馬哥官。七年春。正月甲寅。滅廐馬。粟分給諸局。是月女直軍攻秦州。東北面諸軍不戰自潰。女古皮室四部。及渤海人皆降。復下秦州。二月。涿水縣賊董虎兒。聚衆萬餘。西京留守蕭乙薛。南京統軍都監查刺與戰于易水。破之。三月。虎兒黨復聚。乙薛復擊破之。于奉聖州。夏五月庚寅。東北面行軍諸將涅里合魯。涅哥。虛古等。棄市。乙巳。諸圍場隙地。縱百姓。然珠。六月辛巳。以同知樞密院事余里也。為北院大王。秋七月癸卯。獵秋山。八月丙寅。獵秋山。命都元帥秦晉王。赴松遼。會四路兵馬。防秋。九月。上自燕至陰涼河。置怨軍八營。募自宜州者。曰前宜後宜。自錦州者。曰前錦後錦。自乾自顯者。曰乾日顯。又有乾顯大營。岩州營。凡二萬八千餘人。屯衛州。羨慕山。丁酉。獵綽子山。冬十月乙卯朔。至中京。十一月丙寅。都元帥秦晉國王溥。遇女直軍戰于羨慕山。敗績。女直復拔顯州。旁近州郡。庚子。下詔自責。癸酉。遣兵高罕查刺。與大公鼎。請路募兵。丁丑。以西京留守蕭乙薛。為北府宰相。東北路行軍都統吳慶。未。知吳六部

大王事。是歲女直河骨打用鐵州楊朴策。即皇帝位。建元天輔。國號金。楊朴又言。自古英雄開國。或受禪。必先求大國封冊。遂遣使議和。以求封冊。八年。春正月。幸鸞。鸞。丁亥。遣耶律奴哥等。使金議和。庚寅。保安軍節度使張素。以雙州二百戶降金。東路諸州盜賊蜂起。掠民自隨。以充食。二月。耶律奴哥。還自金。金主復書曰。能以兄事朕。歲貢方物。歸我上中京。與中府三路州縣。以親王公主駙馬大臣子孫為質。還我行人。及无給信符。并塞夏。高麗。住復書詔。表勝。則可以如約。三月甲午。復遣奴哥使金。夏四月辛酉。以西南而招討使蕭得里底。為北院樞密使。五月壬午朔。奴哥以書來約。不喻此月見報。戊戌。復遣奴哥使金。要以約中之議。是月至納葛。賊安生兒。張高兒。聚眾二十萬。耶律馬哥等。斬生兒于龍化州。高兒亡入懿州。與霍六哥相合。金主遣胡突家。與奴哥持書。報如前約。六月丁卯。遣奴哥等。齎塞夏。高麗。書詔。表勝。至金。霍六哥。陷海北州。越義州。軍帥四離保等。擊敗之。通祺。雙遼四州之民。八百餘戶。降于金。秋七月。獵秋山。金復遣胡突家來。免取質子。及上京興中府所屬州郡。裁減歲幣之數。如能以兄事朕。冊用漢儀。可以如約。八月庚午。遣奴哥突迭。使金議冊禮。九月突迭見留。遣奴哥還謂之曰。言如不從。勿復遣使。閏月丙寅。遣奴哥復使。

水樂大典卷五千三百五十一

金。而蕭寶訛里等十五人。各率戶降于金。冬十月。奴哥突迭持金書來。龍化州張應古等四人。率眾降金。十一月。副元帥蕭撻不也。薨。十二月甲申。議定冊禮。遣奴哥使金。寧昌軍節度使劉宏。以懿州戶三千降金。時山前諸路大饑。乾顯宜錦興中等路。半粟直數錢。民削榆皮食之。既而人相食。是年。放進士王葦等百三人。九年。春正月。金遣烏林答贊謀。持書來迎冊。二月。至鸞。鸞。賊張撒八誘中京射糧軍僧號。南而軍帥余觀。擒撒八。三月丁未朔。遣知右夷離畢事蕭習泥烈等。冊金主為東懷國皇帝。已酉。烏林答贊謀。奴哥等。先以書報。夏五月。阻卜補疎只等叛。執招討使耶律幹里孫。都監蕭斜里得。死之。秋七月。獵南山。金復遣烏林答贊謀。來責冊文。無兄事之語。不言大金。而云東懷。乃小邦懷其德之義。及冊文有渠材二字。語涉輕侮。若選芬多戰等語。皆非善意。殊乖體式。如依前書所定。然後可從。揚詢。耶律子章。率眾降金。八月。以趙王習泥烈。為西京留守。九月。至西京。復遣習泥烈。楊立忠。先持冊。葉使金。冬十月甲戌朔。耶律陳闡。奴哥等二十餘人。謀反。伏誅。是月。遣使送烏林答贊謀。持書以還。十年。春二月。幸鸞。鸞。金復遣烏林答贊謀。持書及冊文。副本以來。仍責乞兵于高麗。三月己酉。民有群馬者。十取其一。給東路軍。庚申。以金人所定大聖二

字。與先世稱號同。復遣習泥烈住議。金主怒。遂絕之。夏四月。獵胡土白山。聞金師再來。耶律白斯不第。選精兵三千。以濟遼師。五月。金主親攻上京。先外邪。留守捷不也。率衆出降。六月。乙酉。以北府宰相蕭乙薛。為上京留守。知鹽鐵內省兩司。東北統軍司事。秋。獵沙嶺。冬。復至西京。保太元年春。正月。丁酉朔。改元肆赦。初。金人興兵。郡縣所失。幾半。上有四子。長趙王。母趙昭容。次晉王。母文妃。次秦王。許王。皆元妃生。國人知晉王之賢。深所屬望。元妃之兄。樞密使蕭奉先。恐秦王不得立。潛圖之。文妃姊妹三人。長適耶律撻曷里。次文妃。次適余觀。一日。其姊妹。俱會軍前。奉先誣人誣駙馬蕭昱。及余觀等。謀立晉王。事覺。昱撻曷里等伏誅。文妃亦賜死。獨晉王未忍加罪。余觀在軍中。聞之大懼。即率千餘騎叛入金。上遣知奚王府事蕭遐買。北府宰相蕭德恭。大常家耶律諦里姑。歸州觀察使蕭和尚。姑四軍。大帥蕭幹。將所部兵追之。及諸岡山縣。諸將議曰。主上信蕭奉先言。奉先視吾輩蔑如也。余觀乃宗室豪俊。常不肯為奉先下。若擒余觀。他日吾輩皆余觀也。不若縱之。還即始曰。追襲不及。奉先既見余觀之亡。恐後日諸枝亦叛。遂勸驟加爵賞。以結衆心。以蕭遐買為真王。蕭德恭。試中書門下平章事。兼判上京留守事。耶律諦里姑。為龍虎衛上將軍。蕭和尚。奴

金吾衛上將軍。蕭幹。鎮國大將軍。二月。幸鴛鴦濼。夏五月。至馬里城。秋七月。獵炭山。九月。至南京。冬十一月。癸亥。以西京留守趙王習泥烈。為惕隱。二年春。正月。乙亥。金克中京。進下澤州。上出居庸關。至鴛鴦濼。聞余觀引金人。婁室字董奄至。蕭奉先曰。余觀乃王子班之苗裔。此來欲立甥晉王耳。若為社稷計。不惜一子。明其罪誅之。可不戰而余觀自地矣。上遂賜晉王死。素服三日。耶律撒八等皆伏誅。王素有人望。諸軍聞其死。無不流涕。由是人心解體。余觀引金人。遁行宮。上率衛兵五千餘騎。幸雲中。遣傳國璽于余。乾河。二月。庚寅朔。日有食之。既甲午。知北院大王事耶律馬哥。漢人行宮都部署蕭特末。並為都統。大和宮使耶律補得。副之。將兵屯鴛鴦濼。己亥。金師敗。吳王復來于北安州。遂降其城。三月。辛酉。上聞金師將出嶺西。遂趨白水灘。乙丑。群牧使漢魯幹降金。丙寅。上至女古底倉。聞金兵將近。計不知所出。乘輕騎入炭山。方悟奉先之不忠。怒曰。汝父子誤我至此。今欲誅汝。何益于事。恐軍心忿怨。爾曾避敵。苟安禍必及我。其勿使行。奉先下馬哭拜而去。行未數里。左右執其父子。縛送金兵。金人斬其長子昂。以奉先及其次子昱。械送金主。道遇遼軍。奪以歸國。遂並賜死。遂樞密使蕭得里底。召捷不也。與禁衛丁卯。以北院樞密副使蕭僧孛奴。知北

院樞密使事。同知北院樞密使事蕭查剌。為左夷萬畢。戊辰。同知殿前點檢事耶律高八。率衛士降金。己巳。偵人蕭和尚。牌印郎君耶律晒斯。為金師所獲。癸酉。以諸局百工多亡。凡色從。不限吏民皆官之。初。詔留宰相張琳。李處溫。與秦晉國王溥。守燕。處溫聞上入夾山。數日。命令不通。即與弟處能。子爽。外假怨軍。內結都統蕭幹。謀立溥。遂與諸大臣耶律大石。左企弓。虞仲文。曹勇義。康公弼。集蕃漢百官諸軍。及父老數萬人。詣溥府。處溫邀張琳至。白其事。琳曰。攝政則可。處溫曰。天意人心已定。請立班耳。處溫等。請溥受禮。溥方出。李爽持繡袍被之。令百官拜舞。山呼。溥驚駭。再三辭不獲。已而從之。以處溫守太尉。左企弓守司徒。曹勇義知樞密院事。虞仲文參知政事。張琳守太師。李處能直樞密院。李爽為少府少監。提舉翰林醫官李爽。陳祕。十餘人。曾與大計。並賜進士及第。授官有差。蕭幹。為北樞密使。駙馬都尉蕭只。知樞密院事。改怨軍為常勝軍。於是辟赦。自稱天錫皇帝。改元建福。降封天祚為相陰王。遂據有燕雲平。及上京遼西六路。天祚所有沙漠。已北。西南西北路。兩都招討府。諸蕃部族而已。夏四月辛卯。擒金已取西京。沙漠以南。部族皆降。上遂遁於訛沙烈。時北都謀葛失。隴

馬馳。食羊。五月甲戌。都統馬哥。收集散亡。會于滙里謹。丙子。以馬哥知北院樞密使事。兼都統。六月溥寢疾。聞上傳檄。天德雲內朔武應蔚等州。合諸蕃精兵五萬騎。約以八月入燕。并遣人問勞。素衣表若燕。溥甚驚。命南北而大臣議。而李處溫蕭幹等。有迎秦拒湘之說。集蕃漢百官議之。從其議者。東立淮南。面行營都部署耶律寧西立。處溫等聞故。寧曰。天祚果能以諸蕃兵大舉奪燕。則是天數未盡。豈能拒之。否則秦湘父子也。拒則皆指自古安有迎子而拒其父者。處溫等相顧微笑。以寧扇亂軍心。欲殺之。溥歎枕長嘆曰。彼忠臣也。馬可殺。天祚果來。吾有死耳。復何面目相見耶。已而溥死。眾乃議立其妻蕭氏為皇太后。主軍國事。奉遺命。遣立天祚次子秦王定為帝。太后遂稱制。改元德興。處溫父子權禍。南通童貫。欲挾蕭太后納土于宋。北通于金。欲為內應。外以援立大功自陳。蕭太后罵曰。誤秦晉國王。皆汝父子。悉數其過數十。賜死。縶其子爽而磔之。籍其家得錢七萬緡。金玉寶器稱是。為宰相數月之間。所取也。謨葛失。以兵未捷。為金人敗于洪灰水。擒其子陀古。及其屬阿敵音。夏國援兵至。亦為金所敗。秋七月丁巳朔。敵烈部皮室叛。烏古部節度使耶律宗古。討平之。加太子太保。乙丑。上京毛八十。率二千戶降金。辛未。夏國遣曹价來問起居。八月戊

永樂大典

卷五二五一

成。親運金軍。戰于石華驛。敗統都統蕭特末及其姪撒吉被執。率其會軍于撒捷新查刺。金兵追之急。素輜重以遁。九月。敵烈部叛。都統馬哥克之。冬十月。金兵攻蔚州。降。十一月乙丑。聞金兵至奉聖州。遂率衛兵屯于落兒廳。泰晉王溥妻蕭德妃。五表于金。求立泰王。不許。以勁兵守居庸。及金兵臨關。屋石自崩。成卒多壓死。不戰而潰。德妃出古北口。趨天德軍。十二月。知金主撫定南京。上遂由坤里關。出居四部族詳穩之家。三年春。正月丁巳。吳王回鹘保。借號稱天復元年。命都統馬哥討之。甲子。初張毅為遼興軍節度副使。民推毅領州事。泰晉王溥既死。蕭德妃遣特立愛知平州。毅知遼必亡。練兵畜馬。藉丁壯為備。立愛至。毅弗納。金帥粘罕入燕首。問平州事於政事知政事原公弼。公弼曰。毅狂妄。雖有鄉兵。彼何能為。示之不赦。圖之未晚。金人招特立愛赴軍前。加毅臨海軍節度使。仍知平州。既而又欲以精兵三千。先下平州。擒張毅。公弼曰。若加兵。是趨之叛也。公弼請自往說之。數謂公弼曰。遼之入路七路。已降。獨平州未解甲。者防蕭幹耳。厚賂公弼而還。公弼復粘罕曰。彼無足慮。金人遂改平州為南京。加毅試中書門下平章事。判留守事。庚辰。宜錦乾顯成川豪懿等州。相繼皆降。上京盧彥倫叛。殺契丹人。二月乙酉朔。興中府降金。來州歸德軍

永樂大典卷五二五十一

十

節度使田頌。權隰州刺史杜師回。權遠州刺史高水昌。權閔州刺史張成。皆籍所管戶降金。丙戌。誅蕭德妃。降溥為庶人。盡釋其黨。癸巳。興中宣州復城守。三月。駐蹕于雲內州南。夏四月甲申朔。以知北院樞密使蕭僧孺。奴馬諸道大都督。丙申。金兵至居庸關。擒耶律大石。戊戌。金兵圍輜重于青塚。硬寨。大保特母哥竊梁王雅里以遁。泰王許王諸妃。公主從臣。皆陷沒。庚子。梁宋大長公主特里。亡歸壬寅。金遣人來招。癸卯。答書請和。丙午。金兵送族屬輜重東行。乃遣兵邀戰于白水澗。趙王習泥烈。蕭道寧。皆被執。上遣牌印郎君謀盧先。送免紐金印偽降。遂西遁雲內。駙馬都尉孔奴詣金降。己酉。金復以書來招。答其書。壬子。金帥書來。不許請和。是月。特母哥挈雅里至。上怒不能盡救諸子。詰之。五月乙卯。夏國王李乾順。遣使請臨其國。庚申。軍將耶律敵烈等。夜劫梁王雅里。奔西北部。立以為帝。改元神曆。辛酉。渡河。止于金肅軍。北回鹘保為衆所殺。六月。遣使冊李乾順為夏國皇帝。秋九月。耶律大石。自金來歸。冬十月。復渡河東還。屠突呂不詳。梁王雅里歿。耶律木烈繼之。十一月。木烈為衆所殺。四年春正月。上趨都統馬哥軍。金人來攻。棄營北遁。馬哥被執。謀葛夫來迎。驢馬駝羊。又率部人防衛。時侍從之糧。數日以衣易羊。至烏古敵烈部。以都點檢蕭乙薛

知北院樞密使事封謀萬夫為神于越。王特母哥降金。二月。耶律遜設等十八謀叛。伏誅。夏五月。金人既克燕。驅燕之大家東徙。以燕空城。及濬易檀順景薊州與宋以塞盟。左企弓。康公弼。曹勇義。虞仲文。皆東遷。燕民流離道路。不勝其苦。入平州。言於留守張毅曰。宰相左企弓。不謀守燕。使吾民流離無所。素集公。今臨巨鎮。握強兵。盡忠於運。必能使我復歸鄉土。人心亦惟公是望。毅遂召諸將領議。皆曰。聞天祚兵勢復振。出沒漠南。公若伏羲勤王。奉迎天祚。以圖中興。先責左企弓等叛降之罪。而誅之。盡歸燕民。使復其業。而以平州歸宋。則宋無不接納。平州遂為藩鎮矣。即後日金人加兵。內用平山之策。外得宋為之援。又何懼焉。毅以此大事也。不可草率。翰林學士李石。智而多謀。可召與議。石至。其言與之合。乃遣張謙率五百餘騎。傳留守令。召宰相左企弓。曹勇義。樞密使虞仲文。參知政事康公弼。至藥河西岸。遣議事官趙秘校。往數十罪。曰。天祚播遷夾山。不即奉迎。一也。勸皇叔恭哥王借號。二也。故許君父降封湘陰。三也。天祚遣知閤王有慶來議事而殺之。四也。檄書始至。有迎恭非湘之議。五也。不謀守燕而降。六也。不顧大義。臣事于金。七也。根括燕財。取悅于金。八也。使燕人遷徙失業。九也。教金人發兵先下平州。十也。爾有十罪。所不容誅。左企弓等無以對。

本朝大典卷五十二百五十一

七

皆縊殺之。仍稱保大三年。晝天祚象。朝夕謁事。必告而後行。猶違官秩。六月。榜諭燕人復業。恒產為常。勝軍所占者。悉還之。燕民既得歸。大悅。翰林學士李石。更名安弼。借故三司使高憲。往燕山。說宋王安中。曰。平州帶甲萬餘。設有文武材。可用為屏翰。不然。將為肘腋之患。安中深然之。令安弼。與憲詣宋。宋主詔帥臣王安中。唐度。厚加安撫。與先三年常賦。殺聞之。自謂得計。秋七月。金人也來州闖。聞平州附宋。以二千騎問罪。先入營州。毅以精兵萬騎擊敗之。宋建平州為奉寧軍。以毅為節度使。以安弼為徵敵副使。令宣撫司出銀絹數萬犒賞。毅喜。遠迎。金人謀知舉兵來襲。毅不得歸。奔燕。金人克三州。始來索毅。王安中諱之。索急。斬一人。貌類者去。金人曰。非毅也。以兵來取。安中不得已。殺毅。函其首送金。天祚既得林牙耶律大石兵歸。又得陰山室韋謀葛失兵。自謂得天助。再謀出兵。復收燕雲。大石林牙力諫曰。自金人初陷長春遼陽。則車駕不幸廣平。而都中京。及陷上京。則都燕山。及陷中京。則幸雲中。自雲中而播遷夾山。向以全師。不謀戰備。使舉國漢地。皆為金有。國勢至此。而方求戰。非計也。當養兵待時而動。不可輕舉。不從。大石遂殺乙薛。及坡里括。置北。南。而官屬自立。為王。率所部西去。上遂率諸軍出夾山。下燕陽嶺。取天德。東。勝。寧。遼。

雲內等州南下武州。遇金人戰于奄道下水。復清。直趨山陰。八月。圖舅詳
德蕭捷不也。筆硯祇候察判降金。是月金主阿骨打死。九月。建州降金。冬
十月。納突呂不部人訛哥之妻詣葛。以訛哥為本部節度使。昭古牙率眾
降金。金攻興中府降之。十一月。從行者舉兵亂。北護衛太保朮者舍利詳
穩牙不里等擊敗之。十二月。置二總管府。五年春。正月辛巳。完項小斛
祿遣人請臨其地。戊子。趙天德。過沙漠。金兵忽至。上徒步出走。近侍進珠
帽却之。乘張仁貴馬得脫。至天德已丑。遇雪無禦寒具。朮者輩惟蓄冰雪
途次絕糧。朮者進鮑與糞。欲飽。朮者即跪坐倚之。假寐。朮者輩惟蓄冰雪
以濟饑。過天德。至夜將宿民家。始曰偵騎。其家知之。乃叩馬首。跪而大慟。潛
宿其家。居數日。嘉其忠。遂授以節度使。遂趨完項。以小斛祿為南面招討
使。總知軍事。仍賜其子及諸校爵賞。有差。二月。至應州新城。東六十里。為
金人完顏婁室等所獲。八月癸卯。至金。丙午。降封海濱王。以疾終。年五十
有四。在位二十四年。金皇統元年二月。改封豫王。五年葬于廣寧府開陽
縣乾陵傍。耶律淳者。世號為北遼。淳小字涅里。興宗第四孫。南京留守宋
魏王和魯幹之子。清寧初。太后鞠育之。既長。為好文學。昭懷太子得罪。上
欲以淳為嗣。上怒耶律白斯。不知與淳善。出淳為彰聖等軍節度使。天祚

永樂大典卷五十二百五十一

五

即位。進王鄭。乾統二年。加越王六年。拜南府宰相。首議制兩府禮儀。上喜。
從王魏。其父和魯幹薨。即以淳襲父守南京。冬。夏入朝。寵冠諸王。天慶五
年。東征都監章奴。齊鴨子河。與淳子阿撒等三百餘人。亡歸。先遣敵里等。
以廢立之謀報淳。淳斬敵里首以獻。進封秦晉國王。拜都元帥。賜金券免
漢拜禮。不名。許自擇將士。乃募燕雲精兵。東至錦州。隊長武朝彥作亂。劫
淳淳而免。收朝彥誅之。會金兵至。聚兵戰于阿里幹。敗績。收亡卒數千
人拒之。淳入朝。釋其罪。詔南京刻石紀功。保大二年。天祚入夾山。奚王回
離保林牙耶律大石等引唐靈武故事。議欲立淳。淳不從。官屬勸進曰。主
上蒙塵。中原擾攘。若不立王。百姓何歸。宜熟討之。遂即位。百官上疏。天錫
皇帝。改保大二年。為建福元年。大赦。故進士李寶信等一十九人。遷降天
祚為相。陰王。以燕雲平。上京中京。西六路。淳主之。沙漠以北。南北路。兩
都招討府。諸蕃部族等。仍諱天祚。自此遼國分矣。封其妻普賢女為德妃。
以回離保。知北院樞密使事。軍旅之事。悉委大石。又遣使報宋。免歲幣。結
好。宋人發兵。則罪擊敗之。尋遣使奉表于金。乞為附庸。事未決。淳病死。年
六十。百官偽謚曰孝章皇帝。廟號宣宗。葬燕西香山。水安陵。遺命。選立秦
王定。以存社稷。德妃為皇太后。稱制。改建福為德興元年。放進士李珠等

百八人時宋兵未攻戰敗之由是人心大悅兵勢日振宰相李純等潛納宋兵居民內應抱關者被殺甚衆翌日攻內東門衛兵力戰宋軍大潰踰城而走死者相籍五表于金未立秦王不從而金兵大至德妃弄天德軍見天祚天祚怒誅德妃降淳庶人除其屬籍耶律雅里者天祚皇帝子也字撒魯七歲欲立為皇太子別置禁衛封梁王保大三年金師圍青塚寨雅里在軍中大保持母哥扶之出走間道行至陰山聞天祚失利趨雲內雅里馳赴時扈從者千餘人多於天祚天祚慮特母哥生變欲誅之責以不能全救諸王將訊之伏劍召雅里問曰特母哥教汝何為雅里對曰無他言迴釋之天祚渡河奔夏隊帥耶律敵列等劫雅里北走至沙嶺見蛇橫道而過識者以爲不祥後三日群僚共立雅里為主雅里遂即位改元神曆命士庶上便宜雅里性寬大惡誅殺獲亡者皆之而已有自歸者即官之因謂左右曰欲附來歸不附則去何須威逼耶每取唐貞觀政要及林牙資忠所作治國詩令侍從讀之烏古部節度使札剌迭烈部統軍捷不也都監突里不等各率其衆來附自是諸部繼至而雅里日漸荒怠好擊鞠持母歌切諫乃不復出以耶律敵列為樞密使特母哥副之敵列初西北路招討使蕭札里熒惑衆心志有不臣與其子麻涅並誅之以逆殺

本朝大典卷五十二百五十一

三

為招討使與諸部戰數敗杖免官從行有疲困者輒振給之直長保德諫曰今國家空虛賜賚若此將何以相給耶雅里怒曰昔攻於福山卿証獵官今復有此言若無諸部我將何取不納初令群牧置鹽滌倉粟而民盜之議籍以償雅里乃自為直每粟一車償一羊三車償一牛五車一馬八車一駝左右曰今一羊易粟二斗且不可得乃償一車雅里曰民有則我有若令盡償民何堪後獵查刺山一日而射黃羊四十狼二十一因致疾卒年三十耶律大石者世號馬西遼大石字重德太祖八代孫也通遼漢字善騎射登天慶五年進士第擢翰林應奉尋陞承旨遷以翰林為林牙故稱大石林牙歷奉祥二州刺史遷興軍節度使保大二年金兵日逼天祚播越與諸大臣立秦晉王淳為帝淳死立其妻蕭德妃為太后以守燕及金兵至蕭德妃歸天祚天祚怒誅德妃而責大石曰我在汝何敢立淳對曰陛下以全國之勢不能一拒敵秦國遠遁使黎民塗炭即位十淳皆太祖子孫豈不勝乞命於他人耶上無以答賜酒食赦其罪大石不自安遂殺蕭乙薛坡里括自立為王率鐵騎二百肖遁北行三日過黑水見白達達詳穩林古兒林古兒獻馬四百駝二十羊若干西至可敦城駐北庭都護府會威武崇德會蕃新大林紫河馳等七州及大黃室韋敵刺王紀刺茶赤

永樂大典

卷五二五一

刺也。喜鼻古德尼刺達刺非達密里密兒紀合主烏古里阻卜普達完唐
 古忽思思真的札而畢。十八部王衆諭曰。我祖宗艱難創業。歷世九主。歷
 年二百。全以臣屬。逼我國家。殘我黎庶。屠我州邑。使我天祚皇帝。蒙塵
 于外。日夜痛心疾首。我今仗義而西。欲借力諸蕃。剪我仇敵。復我疆宇。惟
 爾衆亦有軫我國家。憂我社稷。思共救君父。濟生民於難者乎。遂得精兵
 萬餘。置官吏。立排甲。具器械。明年二月甲午。以青牛白馬祭天地。祖宗。整
 旅而西。先遣書回鵠王畢勒哥曰。昔我太祖皇帝北征。過卜古罕城。即遣
 使至甘州。詔爾祖烏母主曰。汝思故國耶。朕即為汝復之。汝不能返。朕
 則有之。在朕猶在爾也。爾祖即表謝。以為還國于此。十有餘世。軍民皆安
 土重遷。不能復返矣。是與爾國。非一日之好也。今我將西至大食。假道爾
 國。其勿致疑。畢勒哥得書。即迎至邸。大宴三日。臨行。獻馬六百。駝百。羊三
 千。願質子孫為附庸。送至境外。所過敵者。勝之。降者安之。兵行萬里。歸者
 數萬。獲駝馬牛羊財物不可勝計。軍勢日盛。銳氣日倍。至尋思干。西域諸
 國。舉兵十萬。號忽兒珊。來拒戰。兩軍相望二里許。諭將士曰。彼軍雖多而
 無謀。攻之則首尾不救。我師必勝。遣六院司大王蕭幹里刺。招討副使耶
 律松山等。將兵二千五百。攻其右。樞密副使蕭刺阿不。招討使耶律木薛

永樂大典卷五千二百五十一

古

等。將兵二千五百。攻其左。自以衆攻其中。三軍俱進。忽兒珊大敗。僮屍數十
 里。駐軍尋思干。凡九十日。回國。王未降。貢方物。又西至起兒漫。文武百官
 冊立大石為帝。以甲辰歲二月五日即位。年三十八。號葛兒罕。復上漢
 尊號曰天祐皇帝。改元延慶。追謚祖父為嗣元皇帝。祖母為宣義皇后。冊
 元妃蕭氏為昭德皇后。因為百官曰。朕與卿等。行三萬里。跋涉沙漠。夙夜
 艱勤。賴祖宗之福。卿等之力。冒登大位。爾祖爾父。宜加卹典。共享尊榮。自
 蕭幹里刺等四十九人。祖父。封爵有差。延慶三年。班師東歸。馬行二十日。
 得善地。遂建都城。號虎思斡耳朵。改延慶為康國元年。三月。以六院司大
 王蕭幹里刺。為兵馬都元帥。敵敵部前同知樞密院事蕭查刺阿不。副之。
 茶赤刺部。禿魯耶律燕山。為都部署。護衛耶律鐵哥。為都監。率七萬騎。東
 征。以青牛白馬祭天。樹旗以誓于衆曰。我大遼。自太祖太宗。艱難而成。帝
 業。其後嗣君。耽樂無厭。不恤國政。盜賊並起。天下土崩。朕率爾衆。遠至朔
 漠。期復大業。以光中興。此非朕與爾世居之地也。申命元帥幹里刺曰。今汝
 其往。信實必罰。與士卒同甘苦。擇善水草。以立營。量敵而進。毋自取禍。敗
 也。行萬餘里。無所得。牛馬多死。勒兵而還。大石曰。皇天弗順。數也。康國十
 年。殁。在位二十年。廟號德宗。子夷列。年幼。遺命皇后推圖。后名塔不煙。號

感天皇后稱制。改元咸清。在位七年。子夷列即位。改元紹興。籍民十八歲以上。得八萬四千五百戶。在位十三年。殒。廟號仁宗。子幼。遺詔以妹普速完。權國攝制。改元崇福。號承天太后。後與駙馬蕭朵魯不弟朴古只沙里。通。出駙馬為東平王。羅織殺之。駙馬父幹里刺。以兵圍其宮。射殺普速完。及朴古只沙里。普速完在位十四年。仁宗次子直魯古即位。改元天禧。在位三十四年。時秋出獵。乃蠻王屈出律。以伏兵八千擒之。而據其位。遂襲遼衣冠。尊直魯古為太上皇。皇后為皇太后。朝夕問起居。以侍終焉。直魯古死。遺詔。耶律淳在天祚之世。歷王天國。受賜金券。贊拜不名。一時恩遇無與焉。比。當天祚播越。以都元帥留守南京。獨不可奮大義以激燕民。及諸大臣。與勤王之師。東拒金而迎天祚乎。乃自取之。是篡也。況忍王天祚哉。大石既帝溥。而至天祚矣。復歸天祚。天祚責以大義。乃自立為王而去之。幸藉祖宗餘威。遺智。建號萬里之外。雖寡母弱子。更繼迭承。幾九十年。亦可謂難矣。然淳與雅里大石之立。皆在天祚之世。有君而復君之。其可乎哉。諸葛武侯。為獻帝發喪。而後立先主為帝者。不可同年語矣。故著以為戒云。贊曰。遼起朔野。兵甲之盛。鼓行竅外。席卷河朔。樹晉植漢。何其壯歟。太祖太室乘百戰之勢。精新造之邦。英謀敵曷。可謂速矣。雖以世宗中才

水樂大典卷五千二百五十一

五

穆宗殘暴。連遺弒逆。而神器不搖。蓋由祖宗威令猶足以震疊其國人也。聖宗以來。內脩政治。外拓疆宇。既而申固鄰好。四境人安。維持二百餘年之基。有自來矣。降臻天祚。既丁末運。又缺人望。崇信姦回。自拯國本。群下離心。金兵一集。內難先作。廢立之謀。叛亡之迹。相繼蠱起。馴致土崩瓦解。不可復支。良可哀也。耶律與蕭世為甥舅。義同休戚。奉先挾私滅公。首亂構難。一至於斯。天祚窮蹙。始悟奉先誤已。不幾晚乎。淳雅里所謂名不正言不順。事不成者也。大石苟延。彼善於此。亦幾何哉。契丹志帝諱延禧。道宗之孫。秦王元吉子也。母曰木拙氏。初封齊王。後為皇太孫。道宗崩。齊王即位。自號天祚皇帝。改元乾統。辛巳。乾統元年。宋徽宗建中靖國改元春正月朔。有流星燭地。自西南入尾。抵距星。是夕有赤氣起東方。且西方中出白氣。二氣將散。復有黑氣在旁。夏四月朔。日食。陰雲不見。是歲。女真揚割死。于阿骨打立。壬午。乾統二年。宋徽宗崇寧改元。癸未。乾統三年。宋徽宗二年甲申。乾統四年。宋徽宗三年。乙酉。乾統五年。宋徽宗四年夏四月。遣簽書樞密院蕭良諳。言朝廷出兵侵夏國。今大遼以帝妹嫁夏國主。請還所侵地。五月。宋徽宗遣龍圖直學士林德。報聘。見天祚。跪上國書。仰首曰。夏人數寇遼。朝廷與師問罪。以北朝屢遣講和之使。故

務舍容。今踰年不進誓表。不遣使賀天寧節。又築席徑嶺。馬棘川。兩堡。使
寇不已。北朝若不窮詰。恐非所以踐勸和之意。天祚出不意。為愕。秋八
月。天祚以林德來使。而失情。遣使復索。尋遣禮部侍郎劉正夫來報。酬對
教傳。議皆如約。丙戌。乾統六年。宋崇寧五年春五月。舊出西方。其長竟
天。三月。遣復遣使。使同平章事蕭保先。牛溫舒。詣宋。為夏請元符。講和以
後所侵西界地。徽宗曰。元帝已畫封疆。今不復議。若自崇寧以來。使地可
與之。丁亥。乾統七年。宋徽宗大觀改元。冬十一月朔。日食。戊子。乾統
八年。宋大觀二年。己丑。乾統九年。宋大觀三年。庚寅。乾統十年。宋大
觀四年。秋九月朔。日食。辛卯。天慶元年。宋徽宗改元。秋九月。宋遣
鄭允中。童貫使。童貫至遼。君臣相與指笑曰。南朝人才如此。然祚方縱肆。
貪得圖玉帛。珍玩。而貫所賣皆極珍奇。至運兩浙採藤之具。火閘。書。床
椅等。住獻。天祚所以貴貫者。亦稱是。貫使歸。至廬溝河。有燕人馬植者。
得罪于燕。見貫。陳滅燕之策。貫驚歸宋。改姓李。名良嗣。薦于朝。遂賜姓趙。
使天祚數移檄。索取貫諱。不與。復燕之議。蓋如此。壬辰。天慶二年。宋改
和二年春。天祚如混同江釣魚。界外生女直酋長。在千里內者。以故事皆
來會。適遇頭魚酒進。別具宴勞。酒半酣。天祚臨軒。使諸首次第歌舞。為樂

永樂大典卷五二五十一

去

次至阿骨打。端立直視。辭以不能。諭之再三。終不從。天祚密謂樞密使蕭
奉先曰。阿骨打意氣雄豪。顧視不常。當以事誅之。不然。恐貽後患。奉先曰。
阿骨打。小人何知。殺之傷向化心。設有異志。最衝小國。何能為。阿骨打有
弟姪。曰吳乞馬。指罕。胡舍輩。天祚歲入秋山。數人必從。行善作鹿鳴。呼鹿
使天祚射之。或刺虎。或搏熊。天祚喜。輒加官爵。後至圍場司。差遣者有之。
阿骨打會釣魚而歸。疑天祚知其意。即欲稱兵。是年秋。遂併各諸鄰近部
族。有趙三阿鶻。產大玉者。拒之不從。阿鶻打撈其家。二人來訴於咸州。詳
穩司送北樞密院。時樞密使蕭奉先。本戚里庸才。懼其生事。但作常事以
聞。天祚指樞密院送咸州。取勘。欲使自新。阿骨打竟托病不至。癸巳。天慶
三年。宋政和三年春。三月朔。日食。阿骨打將帶五百餘騎。徑赴咸州。詳穩
司。吏民驚駭。明日。據騎赴衙。引問。與告人趙三阿鶻。產等並跪。問於殿下。
阿骨打隱諱。不伏供折。送所司取狀。一夕。領從騎歸去。遣人持狀赴詳穩
司。云。意欲殺我。故不敢留。自是追呼不復至第。節次申北樞密院。遼國亦
無如之何。甲午。天慶四年。宋政和四年秋八月。女真阿骨打始叛。用粘
罕。胡捨。為謀主。銀木割。移烈。妻宿。闌。母等。為將帥。會集女真諸部。甲馬二
千。首犯混同江之東。名寧江府。時天祚射鹿慶州。秋山。聞之。不以介意。遣

海州刺史高仙壽統渤海子弟軍三千人。應寧江後。秋九月。遣兵遇女真於寧江州東。戰數合。渤海大敗。或陣沒。或就擒殺。死者無幾。復攻破寧江州。無少長悉殺之。女真服屬大遼二百餘年。世襲節度使。兄弟相傳。周而復始。至天祚朝。實刑僭濫。禽色俱荒。女真東北與五國為隣。五國之東接大海。出名鷹。自海東來者謂之海東青。小而俊健。能擒鷄鶩。瓜白者尤以為異。遼人酷愛之。歲歲求之女真。女真至五國。戰鬪而後得。女真不勝其擾。及天祚嗣位。責貢尤苛。又天使所至。百般需索。於部落猶不奉命。則召酋長加杖。甚者誅之。諸部怨叛。潛結阿骨打。至是舉兵謀叛。先是州有擁場。女真以北珠。人參。生金。松實。白附子。密蠟。麻布之類為市。州人依其真且拘辱之。謂之打女真。州既陷。殺之無遺類。獲遼兵甲馬三千。退保長白山之阿木火阿。木火者。女真所居之地。以阿為名也。是月。天祚出秋山。赴顯州。冬。山射虎。聞攻陷寧江州。中輟不行。十月。差守司空殿前都檢點蕭嗣光。奉先帝命。充東北路都統。靜江軍節度使蕭撻勃也。副之。發契丹兵三千騎。中京路禁軍土家二千人。別選諸路武勇二千餘人。以中京虞候崔公義。充都押官。侍衛控鶴都指揮使商州刺史邢穎。副之。屯出河店。臨白河。與寧江女真對壘。時遼國太平日久。聞女真與隣皆願從軍。莫

賞。往往將家屬。圍結車營。隨行。是月。女真潛渡混同江。掩其不備。未陣擊之。嗣光軍潰。其家屬金帛牛羊輜械悉為女真所得。復以兵追殺百餘里。管押官崔公義。邢穎等。死之。又獲去甲馬三千。初。女真之叛也。率皆騎兵。旗幟之外。各有字號。小木牌。繫人馬上為號。五十人為一隊。前二十人全裝重甲。持鎗或棍棒。後三十人。輕甲。操弓矢。每遇敵。必有一二人。躍馬而出。先觀陣之虛實。或向其左右前後。結陣而馳擊之。百步之外。弓矢齊發。無不中者。勝則整陣而復追。敗則復聚而不散。其分合出入。應變若神。人皆自為戰。所以勝也。遼國舊例。凡開軍圍大軍。漢人不預。天祚自西戰之敗。意謂蕭來先不知兵。始欲改用將帥。付以東征之事。天祚遂召宰相張琳。具庸。付以東征事。張琳等碌碌儒生。非經濟才。統御無法。遼奏曰。前日之敗。失於輕舉。若用漢軍二十萬。分路進討。無不克者。天祚謂其數多。且差十萬。即降宣判付上京。長春。遼西。諸路。計八戶家業錢。每三百貫。自備一軍。限二十日各赴期會。時富民有出一百軍。二百軍者。家資遂竭。琳等非將帥材。器甲聽從自便。人人就易。捨刀擲甲。充數。弓弩鉄甲。百無一二。難以番軍。分出四路。北樞密副使耶律幹離孫。凍沅。河路都統。衛尉卿蘇壽吉。副之。黃龍府耶律寧。黃龍府路都統。桂州觀察使耿欽。副之。復州

永樂大典

卷五二五一

節度使蕭瑋為成州都統將作監龔頤副之。左抵候郵君詳穩蕭河古姑
 單塔都統。商州團練使張維協副之。獨來派河一路。遂深入。女真軍馬初
 一戰稍却。各保退寨柵。是夕。都統韓離朵。誤聽漢軍已遁。即擊遼莫之兵。
 棄營而奔。明早。漢軍尚餘三萬衆。遂推將作少監武朝彥為都統。再與女
 真合戰。遂大敗。餘三路聞之。各退保本路防城。數月間。遂為女真攻陷。丁
 壯斬獲無遺。嬰孺貫之桀上。盤舞為戲。所過赤地無餘。應遼東界內熟戶
 女真亦為阿骨打吞併。分揀強壯人馬充軍。遂有鐵騎萬餘。初蕭嗣先
 出河店之敗也。諸蕃漢兵將多不赴都統行營聚會。各迓走歸寨。或被傷
 諸行闕而告歸者。蕭奉先懼弟嗣先獲罪。輒奏天祚云。東征清兵。懼所至
 劫掠。若不從權肆赦。將蕭聚為腹心患。天祚從之。降赦應係出河店清軍
 並免罪歸業。所有遺棄係官器甲。亦不理索。嗣先遂詣闕待罪。但免官而
 已。自是出征之兵。皆謂戰則有死而無功。退則有生而無罪。由是各無關
 志。累年用兵。每遇女真。望風奔潰。降赦免罪。不能成功者。此也。乙未。天
 慶五年。宋政和五年秋七月朔日。八月。天祚下詔親征女真。率蕃漢
 兵十餘萬。出長春路。命樞使蕭奉先為御營都統。耶律章奴副之。以精兵
 二萬馬九鋒。餘分五部為正兵。諸大臣貴族子弟千餘人。為破軍扈從。百

永樂大典卷五千二百五十一

六

用護衛軍。北出駱駝口。車騎亘百里。鼓角旌旗。震耀原野。別以漢軍步騎
 三萬。命都檢點蕭胡覲姑。為都統。樞密直學士崇頤副之。南出寧江州。
 路自長春州分路而進。蕭數月之糧。期必滅女真。一夕軍中戈戟有光。馬
 皆嘶鳴。咸以為不祥。天祚問天官李圭。圭不能對。宰相張琳前奏曰。唐莊
 宗攻梁。才戰夜有光。郭崇韜曰。火出兵入。破賊之兆。遂滅梁。天祚喜而信
 之。遂行。女真師至鴨綠江。人心疑懼。初天祚親征。女真甚懼。樞密兀朮。偽
 請為早哀求生者。賜以示衆。實以求戰。燻書上之。天祚大怒。下詔有女真
 作過。天軍前除之語。阿骨打展諸首曰。始與汝輩起兵。蓋苦遼國殘虐。今
 吾謂若早哀請降。庶幾存禍。乃欲盡行前除。為之奈何。不若殺我一族。衆
 共迎降。可以轉禍為福。諸首皆羅拜曰。事至此。當誓死一戰。次日御營退
 行三十里。或言於天祚曰。兵已深入。女真在近。軍心皆頌一戰。何必退也。
 天祚亟召諸統兵官。問策安在人。皆觀望。無敢言不願戰者。再傳令進兵。
 十一月。天祚與女真兵會。時盛寒。雪深尺餘。先鋒接戰。雲塵亘天。日色
 亦暗。天祚親督諸軍進戰。少頃。軍馬左旋三轉。已橫屍滿野。望天祚御旗
 向西南出。衆軍隨而敗潰。始悟予戰有光。為凶兆也。女真亦不急追。徐收
 所獲輜重馬牛而已。天祚一日一夜。走五百里。退保長春。女真乘勝。遂并

渤海遼陽等五十四州。耶律章奴係大橫帳。與東謀曰。天祚失道。皇叔燕王淳。乃道宗弟。亦不之子。位呼為燕王。實封奉國王親賢。若廢天祚。而迎燕王判燕京留守事。女真可不戰而服也。章奴與同謀人二千餘騎。夜半奔上京。迎立燕王。是日有燕王妃父蕭唐骨德。告其事。天祚詔遣長公主駙馬蕭昱領精騎千餘。詣廣平甸。防護后妃諸王行宮。別遣帳前親信乙信。責御扎馳報燕王。時章奴先遣燕王二妃親弟蕭緯里。外甥蕭延質。說之曰。前日御營兵。為女真所敗。天祚不知所在。今天下無主。諸幼弱。請王權知軍國事。失此機會。姦雄竊發。未易圖也。燕王曰。此非細事。天祚自有諸王雷立。南北面大臣不來。而汝等來。何也。密令左右拘之。少頃。乙信蕭延質。首級。以獻。單騎由間道。避章奴賊寨。趨廣平甸。行罪。天祚侍之如初。章奴知燕王不聽。領麾下掠慶鏡。懷祖等州。蕭聚渤海盜眾數萬。直趨廣平甸。犯天祚行闕。素戰。賴順國女真阿鶻產等。三百餘騎。一戰而勝。擒其貴族二百餘人。並斬以徇。妻女配使。補院。或給散。近幸為婢。餘得脫者。奔女真。章奴偽作使人。帶牌走馬。奔女真近境。秦州。為識者所獲。以送天祚。天祚命腰斬於市。剖其心。獻祖廟。分送五路。號令。初章奴之叛也。蕭

水樂大典卷五千五百五十一

元

奉先。以燕王素得漢人心。疑章奴。潛與南路漢軍同謀。遽以聞天祚。即以同知宣徽北院事韓汝海。詣漢軍行營。傳宣曰。將士離家。暴露日久。風霜之凍。誠可憐憫。今女真遠遁。不可深入。並令放還。諸軍皆歡呼分散。越三日。復遣使督進發。軍中洶洶。遂疑不行。及聞大軍已敗。亦自燒營逃去。天祚隨行衛兵。僅三五百人而已。遂詔募燕雲漢人。護駕到廣平。再降指揮。若護駕。至起離月。依上推賞。是歲。宋遣羅選。侯益等。詣遼克賀生辰。及正旦使。入國道。棧中京。阻程。兩月不得見。天祚而興。乙未。天慶六年。宋政和六年。春正月朔夜。渤海人高永昌。率兇徒十數人。乘酒恃勇。持刀踰垣。入府衙。登廳。問留守所在。始云外軍變。請為備。保先燒出。刺殺之。是夜有戶部使太公鼎。本渤海人。登進士第。頗剛明。聞亂作。權行留守事。與副守高清臣。集諸營兵千餘人。次日搜索。元作渤海人。得數十人。並斬首。即撫安。民倉卒之際。有濫被其害者。小人喜亂。得以藉口。不可禁。一。夜燒寨起亂。初三日。軍馬抵首山門。太公鼎等登門。說諭使歸。不從。初五日夜。城中舉火。內應開門。騎兵突入。陣於通衢。太公鼎。高。清。臣。督軍迎敵。不勝。領麾下殘兵百餘人。奔西門。出再行。關高永昌自殺。留守蕭保先。使自據東京。稱大渤海皇帝。改元應順。據遼東五十餘州。分遣軍馬。肆其

殺掠所在州郡。其人戶往往孑寡。渡遼以備獨瀋州未下。宰相張瑄瀋州人也。天祚命討之。琳先當兩任戶部使。有東京人望。至是募遼東失業者并驅轉戶強壯充軍。蓋遼東夙與女真渤海有讎。轉戶則使從良庶。裁放命敢戰。旬日之間。得兵二萬餘。隨行官屬將領聽從辟差。是春天祚募渤海武勇馬軍高木昌等二千人。屯白草谷。備禦女真。會東京留守太師蕭保光。乃率其子弟為政。酷虐渤海素悍。有犯者不恕。東京乃渤海故地。自河保撤力戰二十餘年。始得之。建為東京。夏五月初。自顯州進兵。渤海止備遼河三义黎樹口。張琳遣羸卒數千。疑其守兵。以精騎間道渡河。趨瀋州。渤海始覺。遣兵迎敵。旬日間三十餘戰。渤海稍却。退保東京。張琳兵狎城五里。隔太子河。劉察先遣人移文招撫。不從。傳令留五日糧。決策破城。越二日。發安德州兵。軍先渡河。次引大軍齊渡。忽渤海上流有鐵騎五百。突出其傍。諸軍少却。退保舊寨。河路復為所斷。三日不得渡。眾以飢告。謀歸瀋州。徐圖後舉。初七日夜。移寨渤海。騎兵尾襲。強壯者僅得入城。老幼悉被殺掠。是時軍伍尚整。方議再舉。忽承女真西南路都統闡母圖王徽。準渤海國王高永昌狀。遼國張宰相統領大軍前來討伐。伏乞救援。當道於義。即合應援。已約己月二十一日進兵。檄到瀋州。眾以渤海詐作

水樂大典卷五千二百五十一

字

此檄不為備。是日聞探東北有軍掩至。將士呼曰女真至矣。張琳急整軍迎敵。將士見女真兵氣已奪。遂敗走入城。女真隨入。先據城西南。後縱兵殺我盡。孟初劉思溫等死之。張琳與諸子弟等并官屬。據城首。盡失半資器甲。隨入遼州。收集殘軍。坐是請授遼興軍節度使。丁平州也。自張琳之敗。國人皆稱燕王賢而忠。若付以東征。士必樂為用。燕遼東民自渤海之敗。渡遼失所者眾。若招之為軍。彼可報怨。此且報國。必以死戰。天祚乃授燕王都元帥蕭德恭副之。永興軍使耶律佛頂。延昌官使蕭昂。並兼監軍。聽辟官屬。召募遼東飢民。得二萬餘。謂之怨軍。如郭藥師者。是也。別選燕雲平路募軍五千人。并勸諭三路富民。依等第進獻武勇軍二千人。如董龐兒。張闌利者。是也。及科教運脚車三千乘。準備隨軍支遣。境內騷然。燕王既招怨軍。合禁軍武勇軍共三萬人。自八月進發。十月到乾州。十三箇山割寨。至十一月二十四日夜。忽管押武勇軍大常少卿武朝彦率府屬馬僧辨。潛謀作亂。遣百餘騎趨中軍帳。先殺燕王。覺之奔他軍。先餘皆閉壁不應。朝彦知謀不成。擁騎二千。欲南奔。道為闌羽所殺。燕王自被命東征。馳其行未出境而兵亂。起率諸軍自黎樹口渡遼水。欲下瀋州。駐兵城下。射書令降。不應。遂精銳梯城。復天石如而不能上。或報女真

援至。退保遼河。是行雖無所得。亦無所失。既而燕王被召赴闕。留北寧相
蕭德恭。上京路都統耶律余都觀。副之。太常衮耶律啼哩姑。漆懿州路都
統。廷慶官使蕭和尙奴。副之。都元帥府監軍耶律佛頂。顯州路都統。四軍太
師蕭幹。副之。並以屯田爲備。自天祚親征敗績。中外歸罪蕭奉先。於是
請奉先西南面招討。擢用耶律大悲。奴爲北拒密使。蕭查刺。同知拒密院
使。間有軍國大事。天祚與南面宰相執政吳庸。馬人望。蔡誼等。參議。數人
皆昏嫖。不能裁決。嘗時幽人諺曰。五箇翁翁四百歲。南面北面頓瞠瞠。自
已精神管不得。有甚心情殺女真。遠近傳爲笑端。有人聞於天祚。亦笑而
不悟。是歲上罷耶律大悲。奴。再詔蕭奉先代之。蕭查刺。授西京留守事。其
後罷吳庸。馬人望。蔡誼。以李處溫。左企弓代之。至於國亡。女真初復劫
海。已而復相攻。渤海大敗。高永昌遁入海。女真遣兀室納波。渤莫。以騎三
千。進及於長松島。斬之。其潰散漢兒軍。多相聚爲盜。如侯祭。吳擅。天等。所
在蟻結。以千百計。自稱雲隊。海陸之類。紛然並起。每一飯屠數千人。數路
之民殆盡。遂不能制之。丁酉。天慶七年。宋以和七年夏。天祚再命燕王
會四路兵馬防秋。九月初。發燕山府。十月。至陰涼河。聞悉軍特寒無衣。
初掠乾州。都統肖幹。一面招安。初。悉軍有八營。共二萬八千餘人。自宜州

木集大典卷五千二百五十一

主

募者。謂之前宜營。再募者。謂再宜營。前錄後錄者。亦有乾營。大營。前營。
後者。乃乾營。大營。前錄營也。十一月。到衛州。羨慕山。遂留大軍。就錄司
農。錄領。輕騎二千。欲赴顯州。處置作過。然軍行次懿州。或報女真前軍已
過明王墳。即召大軍會徽州。有星如月。徐徐南行而落。光照人物。真月
無異。是年。蘇復州編民百餘戶。泛海而登州岸。其言女真兵來。攻奪奄
東地。以過遼河之西。登州守王師中以聞于宋。宋詔童貫。蔡京。議遣人偵
其寘委陣中。退將校七人。各借以官。用平海指揮兵船。載郭蔡師同往。至
海北。見女真。退者。不敢前。後回青州。安撫崔直躬。奏其事於宋。詔復委童
貫措置。應借官過海人。悉寘之法。別遣使女真。講賚馬。舊好。戊戌。天慶
八年。宋徽宗重和改元。金阿骨打稱帝。天統元年。春正月。燕王溥。將討悉
軍。而遇女真於徽州之東。未陣而潰。初。女真入攻。前後多見天象。或白氣
經天。或白虹貫日。或天狗度營。或箕掃西南。赤氣滿空。連兵無敗。是夕有
赤氣若火。先自東起。往未紛亂。移時而散。軍中以謂凶兆。皆無所志。燕王
與麾下五百騎。退保長泊魚務。於是女真入新州。節度使王從輔。聞門降。
女真焚掠而去。所經盛懿。濠衛。四州皆降。獨勞而過。女真別遣周母國王。
攻悉軍於顯州。悉軍大敗。蕭幹奔醫闈山。率馬嶺招收殘卒。不滿萬人。女

永樂大典

卷五二五一

真以馬度。破乾顯等州。焚掠而歸。天祚在中京。聞燕王兵敗。女真人入新州。晝夜憂懼。潛令內庫三局官。打包珠玉珍玩。五百餘囊。裝馬二千。夜入飛龍院。銀養為備。嘗謂左右曰。若女真必來。吾有日行三五百里馬若干。又與宋朝為兄弟。美國舅甥。皆可以歸。亦不失一生富貴。所憂者。軍民受禍耳。識者聞之。私相謂曰。違之亡矣。自古人主。豈有棄軍民而自為謀身計者。其能享國乎。暨聞女真焚劫新州。以歸。即以謂威德可加。彼何能為。復自縱肆。五月壬午朔。日有食之。秋。女真陷東京。黃龍府。咸信蘇復展海。同樂。通韓。馬。遂泰。泰靖等五十餘城。內並遣二十餘州。各有和糧倉。依祖宗法。每歲出陳易新。許民自願假貸。收息二分。所有無慮三五十萬。雖累歲。舉兵未嘗乏用。至是。女真悉取之。捕遼東長春兩路。是時有傷朴者。遼東鐵州人也。本渤海大族。父進士。第累官。校書郎。先是高永昌叛時。降女真。頗用事。勸阿骨打稱皇帝。改元天輔。以王為姓。更名為。以其國產金。號大金。又陳說阿骨打曰。自古英雄。開國受禪。先求大國封冊。八月。阿骨打遣人詣天祚。求封冊。其事有十。徽號大聖大明皇帝。一也。國號大金。二也。玉輅。三也。家見。四也。玉刻御前之寶。五也。以弟先通問。六也。生辰。五且遣使。七也。歲輸銀絹二十五萬匹。兩分南宋歲賜之半。八也。割遼

永樂大典卷五二五十一

五

東長春兩路。九也。送還女真阿鶻。秦趙三大王。十年。天祚付羣臣等議。請奉先大喜。以為自此無患。差靜江軍節度使蕭習烈。翰林學士楊勉。充封冊使。副州觀察使張孝偉。太常少卿王肅。充通問使。副衛尉少卿劉澧。充管禮物官。將作少監楊立志。充讀冊使。備天子衮冕。玉冊。金印。車輅。法駕之屬。毋立阿骨打為東懷國至聖至明皇帝。其冊大畧曰。春惟肅慎之區。實介扶餘之俗。土濱上國。村布中畿。雅有山川之石。承其父祖之德。碧雲蒙野。固須挺於渠村。皓雪飛霜。時不推於絕駕。章封屢報。誠意交孚。載念遺恭。宜膺多祿。是用遣蕭習烈等持節備禮。毋為東懷國至聖至明皇帝。義教友睦。地利豐腴。嗚呼。或哉。敬哉。式孚于休。所有徽號。祿祀祖號。改焉。至聖至明。餘悉從之。使人自十月發行。冬十二月。至金國。楊朴以禮物不全。用天子之制。又東懷國乃小邦。懷其德之義。仍無冊馬元之文。如通芬多祿。皆非美意。形弓東轡。亦諸侯事。渠材二字。意似輕侮。命習烈歸易其文。題卷云。兄有弟恭。出自周書。言友睦則死之義。見矣。楊朴等。面折以為非是。阿骨打大怒。叱出使副。欲腰斬之。粘罕請人為謝。乃解。尚人苦百餘。次年三月。止遣蕭習烈。云。母文罵我。我都不耽。徽號國號。玉輅御寶。我都有之。須得我大金國皇帝。兄野已能從。我今秋可至軍前。

不然。我提兵取上京矣。天祚惡聞女真事。蕭奉先揣其意。皆不以聞。廷延久之。聞上京已破。和議遂寢。後天祚雖復請和。皆不報。己亥。天慶九年。宋徽宗宣和改元。金天輔二年。春。有赤色。大三四圍。長二三丈。索索如樹。西方有火五圍。下行十餘丈。不至地而滅。夏。金人攻陷上京路。祖州則太祖之天禧堂。懷州則太宗德光之崇元殿。慶州則望儀。望聖。神儀。三殿。并先破乾顯等州。如龍神殿。安元聖母殿。木葉山之世祖殿。諸陵。并皇妃子弟影堂。焚燒掠盡。發掘金銀珠玉。所司即以聞。蕭奉先皆抑而不奏。後天祚雖知。問及廢寢事。奉先對以初雖使犯元宮。劫掠諸物。尚懼列聖威靈。不敢毀壞靈樞。已指揮有司修葺巡視。奉先迎合誕誕。類皆如此。遼國屢年困於用兵。應有諸州軍民子弟。自願進軍馬。人獻錢三千貫。特備進士出身。諸番部富人。進軍。獻馬。納粟。出官。各有差。又因燕王言遼東失業飢民。因踏道路。死者十之八九。旨令中京燕雲平三路諸邑人收養。候次年等第推恩。官爵之禮。至此而極。四月朔。日食。庚子。天慶十年。宋宣和二年。金天輔三年。冬。十月朔。日食。辛丑。保大元年。宋宣和三年。金天輔四年。春。日有青黑無光。其中洶洶而動。若鉅金而湧。日旁有青黑色。正如水沫周回而旋轉。將暮而止。金人自破上京。於歲不出師。然遼

水集大典卷五十二百五十一

重

國防也如故。有東南路怨軍將領董小醜。生討平州賊。逗留不進。被誅。本部隊長羅青漢董重孫等。倡率怨軍作亂。攻綿州。月餘不能下。賴都統耶律余覲援兵至。怨軍始懼。郭樂師等內變。自殺賊魁羅青漢等數人。就招安。都統蕭幹。奏選留二千人為四營。推郭樂師。張令徽。為不令。刺齊臣。既五臣。各統將領。餘六千人。悉送燕雲平三路充禁軍。或養濟。實散分其勢也。余覲謂蕭幹曰。前年兩營叛。劫掠乾州。已從招安。今歲全軍復叛。而攻綿州。苟我軍不來城破。則數萬居民被害。所謂怨軍。未能報怨於金人。而屢志叛於我家。今若乘其解甲。遣兵掩殺淨盡。則永絕後患。幹曰。亦有忠義。為一時脅從者。豈可盡誅之。二人議論不合。交章並奏。卒從蕭幹之議。遣自金人侵犯以來。天下郡縣所失。幾半。主靈塗炭。宗廟丘墟。天祚尚以四時遊畋為樂。工作之費。未嘗少輟。遂失內外人心。嘗有僉慮萬憂之意。有四子。長曰趙王。昭容所出。次曰晉王。文妃所出。次曰秦王。曹王。並元妃所出。國人皆知晉王賢而勇。望馬元妃兄。樞密使蕭奉先。慮奉王不得立。密圖之。未有以發。晉王母文妃姊妹三人。長適耶律撻曷思。次適余覲。會撻曷思妻。嘗遇余覲家。肖奉先。密遣人誣告其結余覲。特立晉王。尊天祚為太上皇帝。事發。撻曷思妻等皆伏誅。文妃亦賜死。獨留晉王。時

余親在軍中聞之懼。即領千餘騎。并骨肉車帳叛歸金國。時方盛夏。途中
為霖雨所阻。天祚遣知真王府蕭選買。宰相蕭德恭。太常察耶律師里姑
輝州觀察使蕭和而奴。太師蕭幹。各領本部軍馬。會合追之。至間山縣。相
及。諸軍議曰。今天祚信用蕭先。致晉王之禍。蕭先平日視吾曹莫如也。
余親宗室之豪俊。負氣不為人下。若擒余親。則他日吾曹皆余親也。不若
縱之為利。皆曰諾。於是始云。追之不及。余親既亡。蕭先懼。諸將皆怒。乃使
加蕭選買等爵賞。以慰其心。 壬寅。保大二年。宋至和四年。金天輔五年
春。金人陷中京。中京其國之先是。金主阿骨打遣使召晉等如宋。自海上
歸。得實。意宋朝絕之。乃命其弟故倫。圖相字極烈。并拈罕兀室。用遼勝人
余觀。為前鋒。由其西過平地松林。駐白水。別遣精兵五百騎。到松亭關。遣
截本京官民奔逸車乘。天祚在燕京。聞報甚懼。即日出居庸關。又聞余觀
為前鋒。導兵奄至。蕭先奏曰。余親乃宗枝也。豈欲亡遼。不過求立其甥
晉王而已。何惜一子。代其奸謀。遂賜晉王死。晉王賢而有人望。死非其罪。
行闕百官諸軍聞之。莫不流涕。自此人心益離。 三月。報余親兵至。天祚
率騎兵五千。西奔雲中府。留宰相張琳。李處溫等。與燕王同守。天祚去
時。衛士五千。中途潰散。僅諸王并長公主騎馬。諸子弟三百餘騎。過雲中

永樂大典卷五十二百五十一

五

城下。撫諭留守蕭查刺。轉運劉金常等曰。金兵不遠。好與軍民守城。但取
馬三千匹。由天德軍。趨漁陽。入夾山。因謂蕭先曰。使我至此。皆汝之由。
汝急去。人不汝容。奉先慟哭辭去。行二十里。為左右所殺。金兵至雲中。蕭
查刺等率軍民父老開門迎降。金主阿骨打留精兵二百騎。與留守自衛。
而遣天祚。及應行官內庫三局珍寶。祖宗二百餘年所積。及其幼女。悉
為俘掠一空。金兵自遣天祚。旬日未回。府中兵變。推馬攬。韓執謙。為都統。
遂出蕭查刺等。及衛兵。閉門拒守。飛申燕王求救。時燕王僭位之初。無兵
可遣。但指揮蔚州發兵應援。金兵回至城下。見留守等被。遂督軍民攻城。
彌旬破城。執馬攬。韓執謙等。盡殺諸軍。陷朔應諸州。擄去群牧良馬三萬
匹。天祚自奔火山。命今不通。燕王守燕。深得人心。李處溫與族弟處能。及
其子與。都統蕭幹。挾怨。謀立燕王。告報在府百官。諸軍。僧道。父老。數萬
人。於三月十七日。詣燕王府。方遣張琳告其事。琳曰。攝政則可。未可即真。
處溫曰。天意人心已定。豈可易也。百官班立。獨琳有難色。既而王出。手與
以赭袍被之。百官軍民。拜舞山呼。王驚泣。辭不獲色。而即位。僭號天錫皇
帝。改元建福。改愆軍為常勝軍。以李處溫守太尉。左金吾。守司徒。曹勇義
知樞密院。唐仲文。知參政。張琳守太師。十一月。一朝。平章軍國大事。水雞以

元老尊之。其實不欲其位在己上也。李處能。與數十人以定東功。補官。方
讓降敵。燕中父老再告。隨駕內庫都點檢劉彥良。姦佞之人。導引天祚。為
一切失德之事。國人呼為肉柱杖。蓋其倚附而行也。婁雲奇者。奉倡婦也。
日夕出入禁中。以諧譖。夫婦共為圖害。請先誅而使降。於是日彘彥良。夫
婦之首於市。人爭鬻肉而食之。然後拜赦。燕王廢天祚為湘陰王。詔曰。天
道既隱。不行揖遜之風。皇天無私。自有廢興之數。事貴得効。人難力為。朕
初保青宮。長歸未暇。雖曰。人情之久德。誰云神器之可求。欲避周公之禮。
未忘季札之節。奈何一旦之無主。至使四海之未君。推戴四從。謳歌百祀。
不敢墜祖宗之業。勉與攬帝王之權。實懼篡圖之為難。尚思復辟之可待。
近得群臣之奏。祭陳前主之非。所謂復辟。矜能。比頑。素德。舉動靡常。節。平
居無話言。室家之行。袖盡空。更資淫費。宗廟之衣冠。見毀。不韋常。吹。漢子
之我。實無名。汲。其之亂。孰可忍。加以權臣壅隔。政事糾紛。左右離心。避
群體。訖無悔悟。以至播遷。伊。感。自。貽。大。勢。已。去。是。謂。幸。四。海。之。望。安。得。胃
一人之稱。宜削徽名。用昭否德。方朕心之牽愛。尚不忍從。衆群議之大公。
王復見請。勉循故事。用降新封。可降封為湘陰王。嗚呼。命不予常。事非得
已。宜于小子。敢守位號之尊。蓋徇衆心。以為社稷之計。凡在聞聽。休于至

宋樂大典卷三十一

五

懷。燕王自稱帝後。以燕雲平。中京上京遼西六路。奄為已有。而沙漠以北。
西南而西北路。招討府諸番部族。天祚主之。猶稱保大二年。遼國自此分
矣。夏四月。燕王遣知宣徽南院事蕭撻勃也。推密副承旨王居元。充告
謝使詣宋。至白溝。等候宋徽宗降旨。以天祚見在夾山。燕王安得擅立。今
雄州邪之人。使還。是時。宋命太師童貫為宣撫使。以蔡攸副之。勒兵
十五萬。巡邊。下詔復燕雲故地。仍以三策付童貫。如燕人悅而取之。因復
舊疆。上也。燕王納欵稱藩。次也。燕人未復。挾兵述邊。下也。貫道張寬。趙忠
貴。書往諭燕王。使來國內附。故書畧曰。吳越錢徽。西蜀孟昶等。歸朝以來。
世世子孫。不失富貴。况。遼之與宋。歡好百年。誠能來國內附。則恩數有加。
苟懷執迷。後時失機。恐有彭越之禍。起於帳中。溥得書。斬其二使。又令趙
翊。本。董。廉。見。遣。使。臣。詔。諭。易。州。土。豪。史。成。使。起。兵。獻。城。為。史。成。執。送。燕。京。斬。
之。五月。童貫再遣神師道等。率兵數萬。壓境問罪。先遣閻門宣贊馬擴。持
宋徽宗手詔。撫諭燕王。使納土以歸。世世不失王爵。并告燕民。以示存恤
之意。王雖不從。心亦懷懼。馬擴過白溝。有漢兒劉宗吉者。私出見擴。許開
涿州門以獻。擴以二榜付之。是時宋師稍集。神師道趨東路之衆。也。白溝
王粟將前軍。揚惟忠。將左軍。神師中將右軍。王珪。將後軍。趙明。揚志。將選

永樂大典

卷五二五

鋒軍。平與宗。總西路之東也。范村。揚可世。王淵。將前軍。焦安節。將左軍。劉光世。吳景。將右軍。曲奇。王育。將後軍。吳子厚。劉安。將選鋒。並臨劉延節。制以劉輪。守文。黃中。為參謀。鄧珪。鄧瑄。為廉訪。六月。童貫至高陽關。駐軍。用知雄州和說計。降黃榜。及旗。遂弔民代罪。出於不得已之意。如敢殺人。並從軍法。若有豪傑。以燕京來獻。除節度使。燕王遣大石林牙。領一千五百餘騎。也。涿州新城。林牙詰以兩國盟好。何為與師。既是信使。安得結劉宗吉獻城。續曰。女真兵已至山德。本朝乃是遣兵救燕。劉元吉見援。安得不納。林牙曰。本欲劉宜贊錄自來通和。不欲太甚。欲和則和。欲戰則戰。大暑熱。母令諸軍徒苦。語畢。上馬馳去。前軍統制楊可世。信和說言。燕人久欲內附。必有車食之迎。將輕騎數千過界。趨前溝甸。乃先遣人以旗榜渡河橋。開示。林牙見之曰。有死而已。可世為所掩。被傷而退。燕王益兵二萬。遣蕭翰統之。將渡白溝。宋諸將皆迎戰。師道曰。不可妄動。尋退兵。蕭翰迎戰於范村。甚力。與宗遣楊可弼救之。仍自督戰。乃解。九駐白溝河。十有二日。乃還師。退保雄州。其日北風。大雨雹。追騎大至。詔以敗盟。追至雄州。童貫以其兵尚盛。未可以取。歸罪和說。侯益。謂其探報不實。妄請與師。既而徽宗降詔。班師。當燕王僭號之初。漢軍多而番軍少。蕭翰建議。藉東西真

永樂大典卷五二五

兵

二千餘人。及廣外南北大王。乙室王皮室猛。搜判司。遼民遣金人入寇。往往窟山谷。沙漠間。聞燕王立。無不內向。燕人馬飢甚。不能遠來。遂令州縣招之。得萬餘戶。選一人為軍。支贖家錢三十貫。謂之度軍。既而散處涿易間。使掠平民。甚於盜賊。主兵之富。繼而不聞。後來常勝軍叛歸南朝。首殺涿州度軍家口。正以罪此取悅人心。是月。燕王病。聞天祚自夾山傳徽五天德軍。雲內朔武應蔚等州。已會合諸蕃精兵五萬騎。約於八月入燕。并遣近位小底查剌。馳馬問勞燕王。并索衣裘。若藥。王甚懼。會南北大臣會議。如李處溫蕭幹。謂莫若迎奉而拒。相者。天祚降封馬相。李。泰者。乃天祚次子。泰王也。召百官共議。有從吾議者。東立。獨有南面諸行部年。若耶律寧。慶西。謂天祚果能復興。何名拒之。迎于拒父。亦無是理。處溫以軍糧。欲誅之。得撫抗。歎曰。此忠臣也。天祚果來。吾有死而已。將何辭以見。天祚兵出燕。僅復朔應等州。復為金所敗。虜其元妃。諸王。天祚復奔夾山。二十四日。溥。諡曰宣宗。無嗣。李處溫及其子。與。善。與。宋。趙。良。嗣。善。童。貫。使。良。嗣。以。書。約。為。內。應。募。謀。者。投。之。并。通。書。馬。赤。言。等。今。結。義。士。開。門。迎。降。拘。執。虜。囚。以。踐。往。者。歸。朝。滅。虜。之。言。處。溫。亦。令。與。潛。以。書。書。相。贈。善。及。李。朴。病。知。必。死。投。處。溫。都。元。師。欲。以。身。後。托。之。病。既。垂。蕭。幹。與。大

石林牙橋。命宰相侍疾。獨處溫不至。陰聚武勇軍二千為備。始曰奉密旨防他變。是夜溥死。不發喪。幹等先集遼騎三千。陳于毡場。會百官。議立燕王妻蕭氏為皇太后。權主軍國事。奉迎天祚次子秦王為帝。從謀者書名押字。無敢有一異者。蕭氏遂即位於柩前。改元德興。蕭后者。燕王秦國妃也。妃兄弟。生章奴。誅天祚囚之上京。女真破。得免。又囚于中京。溥立而歸。后以蕭幹有援立功。封子越王。天祚聞溥死。下詔削其官爵。并妻蕭氏亦降為庶人。仍改姓陸氏。后僭位時。獨享處。溫後至。稱賀。屬時多難。未欲即誅。赦其罪。但追毀元帥宣制而已。有弟處。能懼禍。及已落髮為僧。蕭后送海島龍雲寺。或言云。處溫父子潛通重賞。欲挾后歸宋朝。后引問處溫曰。臣父子於宣宗。有定策功。宜數世宥。不當以譴獲罪。太后曰。向使燕王如周公。終享親賢。重名於後世。豈不勝太宰王。迷執楚國玉。望里耶。處溫謀反。未嘗誤燕王。皆汝父子。并數他罪數十條。處溫無以對。遂賜死。其子與陵處斬。命籍其家。貨得見錢七萬餘。金銀珠玉稱足。皆自為宰相數月之間。四方賄賂公行。所得初處溫聞。天祚播遷。勅立燕王。借號以圖恩倖。及燕王死。僕恐遼國將亡。夫其所依。北通金國。南結童貫。願挾蕭后以納之。皆非至誠。欲為身謀。而至此反為身禍。及宋師撫定燕山。追封處

木集大典卷五十五

七

溫為廣陽郡王。子李與為保寧軍節度使。以其家為顯。諱其孫一人。八月。金主趨中京。道聞天祚聚兵于國崖。往攻之。大戰。生擒都統蕭輝。天祚脫身走。及夏。國引兵數萬。襲天德軍。金主遣偏將帥兵七千。擊破之。蜀狄霖。水寨至。夏人溺水不勝計。金主屢勝。兵騎遂因秋成。並遣牧馬休兵屯奉聖州之東。自燕王死。蕭后專政。遼恐漢人應南軍。將謀之。管常勝軍郭藥師。遣使奉表降宋。高鳳亦以易州降。時宋童貫回雄州。在道中而郭藥師至。授以軍八千。并易州義兵五千。並許劉廷慶為尊軍。聲大振。九月。肖后遣滿家韓昉詣宋表稱。昔冬十月。宋劉廷慶郭藥師等自雄州趨新城。劉光世揚可世自安肅軍出易州。會于永州。將兵眾五十萬。攻燕。進駐廣瀋河。時燕軍蕭幹亦於燕城十里外。築壘相拒。藥師命廷慶選常勝軍五千騎。間道襲燕。夜半渡河。御救而進。質明。常勝軍五千騎。雜押人。奪迎春門以入。大軍繼至。燕城道人諭蕭后使降。蕭幹知宋師入燕。亟往救。人皆死關。藥師屢敗。奔門不得出。盡棄馬。絕城而下。死傷過者。還者數百騎而已。時宋師屯盧溝河者未動。蕭幹兵僅數千。得漢兒兩人。留帳中。夜半偽相語曰。聞漢兵十萬。吾師三倍。當分左右翼。以精兵衝其中。舉火為應。殲之無遺。陰遣其一入師報。既夕而遁。宋軍遂潰。自相蹂躪。幹

遣騎追至涿水北而回。十二月，金粘罕趨南時口，撻懶騎馬趨北牛口。金主趨居庸關，分三路入燕。蕭后既敗，表于金，稱首請和，金主不許。自
媽儒二州進兵，抵居庸關，遠人棄關走。癸卯，保大三年，宋宣和五年，金
天輔六年五月，以後吳乞買立，改元天會，春正月，金主入居庸關，時到
燕前，后聞居庸關失守，夜率蕭翰及車帳出城，聲言迎敵，實欲出奔。因相
左，金弓等射於圍門后曰：「幽難至此，我親率諸軍為社稷一戰，勝則再見
卿等，不然死矣。」卿等努力保吾民，毋使濫被殺戮。言訖泣下，后未行五十
里，金人逐騎已及城，左金弓等方脩守具，忽報粘罕軍已信德城門，金人
前軍已登城矣。於是左金弓、虞仲文、曹勇義、劉彥宗、蕭乙信等迎降，出丹
鳳門，赴場內投拜。阿骨打戎服出，眾呼萬歲，皆伏拜。侍罪於下，譯者曰：「我
見城頭砲繩，屠屠都不曾解動，是無拒我意也，並放罪。」初，蕭后東歸，以
避金人，至松亭關，議所往，耶律大石、林牙奄人也，欲歸天祚，四軍大王蕭
幹、吳人也，欲歸吳王，府立國，有宣宗時，馬都尉蕭勃述曰：「今日國合歸天
祚，然而何面目相見林牙命左右牽出斬之，傳令軍中有敢異議者斬。於
是遼軍列陣相拒，而分兵逐軍，從林牙，挾蕭后以歸天祚于夾山。時吳
渤海軍從蕭幹留吳王府，幹謀府自立，潛號為神聖皇帝，國號大吳，改元

永樂大典卷五千五百一

天

天興，時吳中鬪食。六月，吳兵出盧龍嶺，攻破景州，殺守臣劉滋，通判楊
伯榮，又敗常勝軍張令徽，劉慶仁軍馬於馬門鎮，攻陷薊州，守臣高公輔素
城走。又寇掠燕城，其鋒銳甚，有涉河犯京師之意。人情洶洶，頗有謀素燕
者。宋童貫自京師移文王安石中，郭藥師切責之。七月，吳兵過郭藥師戰
於樓子，大敗而歸。藥師乘勝追襲，過盧龍嶺，殺傷過半。從軍老小車乘，就
輓於後者，悉為常勝軍所獲，因而招降到吳。渤海軍五千餘人，請軍既
失老小，忿忿為蕭幹所誤，為其部曲得哥，殺之，傳首於河間府。安撫使唐
履巽于朝，宋徽宗御紫宸殿，受賀。是時，蕭幹既敗於樓子，其黨莫離不
在峯山亦敗，土擒偽阿骨魯大師，殺耶律德光尊號寶檢，契丹塗金印，常
勝軍因此橫甚，藥師復佐之。朝廷不能制，耶律大石林牙領兵七千到夾
山，天祚命殺蕭后，并外甥常哥，餘免本罪。張鼓者，平州人也，登進士第，
建福元年，授遼興軍，興軍乃十州人，一節度使，因鄉兵經過，殺節度使蕭
諱里，金族二百口，劫掠家資數十萬，鼓以鄉人能招安，息亂以功，權知平
州事。燕王死，殺屠契丹必三，籍管內丁壯充軍，得五萬人，馬一千匹，招家
僮，潛為一方之備。蕭太后嘗遣太子少保時立愛，知平州，鼓有不容之意，由
是立愛常稱疾不出，鼓依舊權知州事。會金人下燕，粘罕首以張鼓事問

參政知事康公弼曰。張毅狂妄謀。雖有兵數萬。皆鄉民器甲不備。資糧不給。彼何能為。示之不疑。則之未晚也。粘罕召時立愛。赴軍前。遙加毅為修海軍節度使。依舊知平州事。將發燕民。由平州歸國。粘罕謂左企弓曰。我欲遣精兵二千餘騎。先下平州。擒張毅。何如。左企弓輩以為然。獨康公弼曰。若加之。以兵是趨平州叛也。公弼舊為平州守臣。願往伺之。遂授以金牌。馳騎見毅。諭以粘罕之意。毅曰。契丹天下八路。七路已下。獨一平州。敢有異志。所以未解甲者。北防蕭幹。仗掠故也。厚賂而歸。報曰。彼無足慮。粘罕信之。遂改平州為南京。復加同中書門下事。判留守事。而實欲圖之也。五月。金主阿骨打歸燕山北。追天祚。以疾崩於軍中。諡為大聖武元皇帝。廟號太祖。弟吳乞買立。改天輔六年為天會元年。遣燕相左企弓等。文武百官。并被擄燕民。由平州歸國。燕民入平州境。有私訴於毅者。曰。左企弓不謀守燕。云云。遂殺之。見前遼史。六月。擄示燕人。除留守外。盡許復業。所有逐戶。拋下田宅。為常勝軍。占佃者。悉還之。燕人方患遠徙。得歸復業。皆大悅。宋徽宗聞燕民之歸。降詔。付帥臣。詹度多方存恤。有官者。津遣赴闕。換授差遣。餘各令安業。與免三年常賦。張毅聞之。喜為得計。遂以平營樂三州降宋。其地乃後唐末契丹太祖所陷。非石晉所割。深州乃

宋史紀事本末卷五十三

五

太祖建立也。詹度行狀。毅納上書。不敢受。密奏於朝。仍語毅。毋慮。恐為金人所知。金主聞之。遣閻母回王。將騎三千來問罪。毅帥兵拒於營州。閻母以兵少。不交鋒而歸。大書州城門曰。夏熱。且去。今冬再來。毅即安。以徒聞于宋。遣求銀絹數萬疋。并詰勅數道。搗官。張毅之拒金人也。外則納款於大宋。通好於蕭幹。而緩急救。內則奉安天祚。盡像。凡舉事先白。而復行。仍用遼國官秩。稱保大三年。遣人奉迎天祚。以圖興復。是時有燕人李汝弼者。乃翰林學士李石也。高靈者。三司使高履也。二人先嘗被擄。後緣張毅故歸。往見宣撫王安石中。勸朝廷密納之。燕山路轉運趙良弼。力爭以為不可。恐開金人禍端。乞斬汝弼。以徇。宋朝不從。投毅奏。寧軍節度使世襲平州。其屬衆數萬。皆擄待制。毅得宋詔。喜率官屬郊迎。金人知之。以千騎襲破平州。毅挺身走。欲間道如京師。為郭藥師所獲。由是金人乃歸。曲于宋。移檄索取。宋朝不得已。命王安中。繼殺之。以水銀漬其函首。送平州。八月朔日。食。陰雲蔽之。不見。保大四年。宋宣和六年。金太宗天會二年。秋七月。金人陷應蔚等州。是秋。天祚得耶律大石林牙兵歸。又得陰山室韋乞剌石兵。自謂天助中興。每謀出兵。收復燕雲。大石林牙力諫曰。自金人初陷長春。遼陽。東京。之兩路。則駕不韋。廣平。句。亦成。受禮。處。而都

永樂大典

卷五二五一

中京。及陷上京。則都燕山。及陷中京。則幸雲中。及幸雲中。則都火山。向以全師不謀戰。倫以至舉國漢地。皆為金人所有。今國勢微弱至此。而力求戰。非得計也。當養兵待時而動。不可輕舉。天祚斥而不從。大石林牙託疾不行。天祚遂強率諸軍。出火山。下漁陽嶺。取天德軍。遂圍改豐州。山東勝軍。邊雲中。內等州。南下武州。遣金人兀室。戰于魯曷。下水。兀室帥山西漢兒。鄉兵為前驅。以女真千餘騎伏山間。出室章乞剌石兵後。乞剌石兵顧之大驚。皆潰。天祚奔寬入陰夾山。金人以力不能入。恨其不出。謂出必得之。天祚亦畏粘罕兵。在雲中。故不敢出。至是聞粘罕歸國。以兀室代成雲中。乃率健兒諸軍五萬。并携其后妃。二子秦王。趙王。及宗屬南來。大石林牙謀之不聽。遂越漁陽嶺。而粘罕已回雲中。復奔山金司。與小胡魯謀歸南來。又恐不可伏。乃謀奔夏國。計未決。小胡魯密遣人通報粘罕。粘罕先遣近責諭降。未復。而金使妻宿。馳驛而至。跪于天祚前曰。奴解不德。乃以介冑犯皇帝天威。死有餘罪。因捧觴而進。遂得以還。削封海濱。送長白山東。室居之。踰年乙巳。金天會三年。末室和七年而殂。遼國遂滅。先是宋徽宗大觀年間。林據來使。遼國命其習儀。獲惡其繁瑣。以蕃狗詆伴使。天祚曰。太宗兄弟之邦。吾臣也。今辱吾左右。與辱吾同。欲殺之。右廷泣諫。

永樂大典卷五二五十一

三

乃止。時天祚在山金司。技窮欲將未歸。因思往事。恐南宋未必加禮。逃走小勃律。復不納。至夜而回。復欲之雲中。天未明。遇謀者。言妻宿軍且至。天祚大驚。時從騎尚千餘。有精金鑄佛長丈有六尺者。他寶貨稱是。皆委之而遁。值天雪。車馬皆有轍跡。遂為金兵所及。初女真入攻時。天與妻見。曾有人狂歌於市曰。遼國且亡。急使人追之。則人首獸身。連道且亡二字。送山中不見。變異如此。興亡之數。豈偶然哉。論曰。前史稱一秦既亡。一秦復生。天祚之阿骨打。即唐李之阿保機也。大勢既去。則涇波湧流。適丁斯時。則人事宜合。方契丹之初起。自阿保機同光酒色之禍。每每鑒為覆轍。數世後。遂收射獵。雖或有之。而四時廷徙。遠未嘗有定制。內耗那色。外擾鄰封。以至捕海東青於女真之域。取細大於萌骨子之境。內外騷然。禍亂斯至。重以天祚不道。禽色俱荒。嬖倖用事。委任非人。節制羈庸。部曲紛擾。強盜在門。寧捨嬰兒之金。虎狼出押。誰負正責之勇。觀夫孱主。可謂肅心。然存亡迭代。亦冥符不偶歟。國語解天祚紀。侯里吉。地名頭魚宴。工成時。與魚得頭魚。秋置酒。夜宴與頭魚。安川訛莎烈。地名溫里謀。地名權捷。新查刺。地名射報軍。射請也。女古底。地名落昆。地名阿里幹。地名忽兒。瑯。西成。大軍。時名起兒。漫。地名虎思幹。魯。魯。思亦作斯。有力。俱幹。魯。魯。

官帳名葛兒罕。漢北君王稱契丹國。九主年。譜太祖大聖皇帝。諱德壽。名阿保機。梁均王貞明二年。丙子稱帝。國號大契丹。辛巳改元天贊。至丙戌天贊六年。唐明宗天成元年。秋七月崩。在位十一年。太宗嗣聖皇帝。諱德光。元名繼。居之太祖第二子。丙戌歲即位。丁亥改元天顯。丁酉改元會同。國號改大遼。丁未。會同十一年。北漢高祖天福元年。夏四月崩。在位二十二年。世宗天授皇帝。諱元。名兀欲。太祖之孫。東丹王突欲之子。丁未歲即位。戊申改元天祿。北漢愍帝乾祐元年。辛亥。天祿四年。後周太祖廣順元年。北漢乾祐四年。秋九月。為燕王述軌等弒於新州大神淀。在位五年。穆宗天順皇帝。諱璟。名述律。太宗長子。辛亥歲即位。改元應曆。至戊辰。應曆十八年。宋太祖開寶元年。秋九月。為庖人弒於黑山下。在位十八年。景宗孝成皇帝。諱明。記。更名賢。世宗之子。戊辰歲即位。改元保寧。甲戌。改元乾亨。至壬午。乾亨九年。宋太宗太平興國七年。十二月崩。在位十五年。聖宗天輔皇帝。諱隆。名景宗之長子。癸未歲即位。改元統和。宋太平興國八年。癸丑。統和三十一年。改元開泰。復改國號大契丹。壬戌。改元太平。辛未。太平十年。宋仁宗天聖九年。六月崩於上京。在位四十九年。興宗文成皇帝。諱宗。名真。番名木不孤。聖宗第八子。辛未歲即位。壬申改元景

水樂大典卷五千一百五十一

五

福。宋仁宗明道改元癸酉。改元重熙。至一未。重熙二十三年。宋仁宗至和二年。八月崩。在位二十五年。道宗天福皇帝。諱洪。基。興宗之子。乙未。改元清寧。乙巳。改元咸雍。丙午。咸雍二年。復改國號大遼。乙亥。改元壽昌。至庚辰。壽昌六年。宋哲宗元符三年崩。在位四十六年。天祚皇帝。諱延禧。道宗之孫。景王元吉之子。辛巳歲即位。改元乾統。宋徽宗建中靖國元年。辛卯。改元天慶。戊戌。天慶八年。宋徽宗政和八年。金太祖天輔元年。辛丑。改元保大。至甲辰。保大四年。宋徽宗宣和六年。金太宗天會二年。金太宗舉兵攻遼。天祚逃竄夾山。金國擒之。削封為海濱王。送長白山東。築城居之。踰年。乙巳而卒。遼國遂亡。在位二十四年。契丹自太祖神冊丙子。稱帝。至天祚保大甲辰。計九主。在位首末二百一十五年。寶歷二百卅九年。

永樂大典卷之五千二百五十一